

欽定石渠寶笈三編

欽定石渠寶笈三編

毓慶宮藏二

皇上御筆

書

高宗純皇帝御製國學新建辟雍園水工成碑記

書

高宗純皇帝御製碑記并詩

一冊

書

高宗純皇帝御製五福五代堂記 一冊

書

高宗純皇帝御製經筵御論 五冊

書

高宗純皇帝御製十全武功文 十冊

書

高宗純皇帝御製集石鼓文并序 一冊

書

高宗純皇帝御製古稀說 一冊

書

高宗純皇帝御製五福頌 一冊

書

高宗純皇帝御製記載 一冊

臨

高宗純皇帝御筆九成宮醴泉銘 一軸

味餘書室古今體詩 丁巳冊

臨王羲之書蘭亭序一冊  
戊午軸

勒保奏報德楞泰一路官兵生擒夔州傳教首

逆龔文玉痛殲匪衆各情形詩以誌慰一冊  
己未

書宋人宮詞一冊  
庚申

立秋日遣悶用去歲詩韻一冊  
庚申

書邵子懷古賦安分吟天聽吟一冊  
庚申

翁河紀績一冊  
庚申

書陸游夏日納涼詩一卷  
辛酉

守成論

一  
平  
未



御書

高宗純皇帝御製國學新建辟雍園水工成碑記

冊一

本幅紙本摺裝八幅皆縱六寸九分橫七寸九分

御筆楷書

御製國學新建辟雍園水工成碑記

文見  
藝編

子臣

敬書  
鈴寶  
二子臣  
敬書

鑒藏寶璽寶笈三編石渠寶笈所藏





御書

高宗純皇帝御製碑記并詩

一冊

本幅高麗箋本摺裝十二幅皆縱三寸二分  
橫六寸三分

御筆楷書

御製國學新建辟雍園水工成碑記

文見  
續編

御製上丁

釋奠後臨新建辟雍講學得近體四首  
國學由

來教化先北京建五百餘年空傳中統廟修矣

元業

史稱太祖平燕京以金樞密院為宣聖廟又世祖紀中統三年修宣聖廟此皆言南城國子學蓋元太祖初定燕京時所建也至選舉志稱至元二十四年遷都北城立國子學於國城之東又世祖紀二十四年閏二月設國子監乃今城東國子監之權輿也是以己丑年曾製重修文廟碑記云國學始於元太祖置宣聖廟於燕京乃指燕京初設國子學之始而言茲城東之文廟國子監則世祖至元二十四年遷都北城所立而非中統所修矣向來紀載重疊每日相抵捨因為訂正明晰附識於

此

獨惜辟雍典闕然酌古準今圖以瓶穿池引井

壁成圓崇儒重道心雖疊懼亦在茲記語宣

古制天子

之學曰辟雍諸侯之學曰泮宮北京國學自元歷  
明以至本朝五百餘年有國學而無辟雍名實不  
稱。雖有建議請復以之水而格部議昨癸卯春始  
命酌古準今穿池引井新建園水復觀製碑文以  
復古而不可泥古淳切  
誥誠詳見辟雍碑記文  
放勳魏蕩未言學教胄

命夔始有虞夏序殷宗因遞述文豐武鎬豈相殊  
橋園莫作徒觀者廷獻應為有用儒卻憶永平稱

億萬

後漢紀稱明帝永平二年初率羣臣躬養  
三老五更於辟雍饗射禮畢帝正坐自講諸

儒執經問難於前冠帶搢紳之人圍橋門而觀聽  
者蓋億萬計云云所記未免失實臨雍盛典觀聽  
雖多然指紳冠帶何至億萬人之多且圍橋之間  
豈能容而人多擁擠亦必觀聽有所不及史傳之

誣。往往。雖云善善畧鄰誣。三五昔經著說詳謂

他杜撰失荒唐

三老五更之說不見詩書。惟禮記出漢儒非孔子之言。左傳始有三

老凍餒之文。注疏者紛紛不一。而蔡邕獨斷遂有父事兄事之說。白虎通直以為老更各一人。且曰父一而已。不宜有三。其謬更甚。杜佑通典亦宗其說。真成杜撰矣。向嘗著說聞之。詳見三老五更說。今命刻於祇宜養老示恩渥難並臨雍贊禮煌韓

愈不甘弟子列蔡新或備伯兄行

韓愈答呂聖山人書謂世無孔

子不當在弟子之列。其見甚高。語甚正。若今之有臣。孰可當老更之席者。獨大學士蔡新長於予。四歲或可居兄事之列。然恐其局趣弗敢當。舉王導對晉元帝之語耳。慮其驚懼謝無

當

去聲

王導稱曾喻太陽

晉書王導傳帝登尊號百官陪列命導升御林導固

辭曰若太陽下同萬物蒼生何由仰照帝乃止

祭母欲數上丁逢

釋奠禮成臨辟雍舉事率因待時節

北京園子監自元迄今五

百餘年而辟雍園水之制未備庚卯春始命興建甲辰冬工竣此誠舉大事者亦必有時節之待也

崇儒寧渠

去聲

在儀容五倫知止須勤勛一己自強

切戒慵

是日講章題

大學為人君止於仁為人臣止於敬為人父止於慈與

國人交止於信易經天行健君子以自強不息文質彬彬衆和樂重熙茂

對志滋恭

子臣

敬書鈴寶二子臣

敬書

鑒藏寶壘寶笈三編石渠寶笈所藏

御書

高宗純皇帝御製五福五代堂記

一冊

本幅高麗箋本摺裝六幅皆縱四寸四分橫

八寸三分

御筆楷書

御製五福五代堂記

文見續編


子臣

敬書鈐寶二子臣

敬書

鑒藏寶璽寶笈三編石渠寶笈所藏





御書

高宗純皇帝御製經筵御論

五冊

本幅仿金粟牋本摺裝五冊第一冊二十六幅第二冊二十九幅第三冊十九幅第四冊二十五幅第五冊二十幅皆縱八寸二分橫八寸七分

御筆楷書

御製經筵御論

共七十八篇見文集文多不錄恭錄各題

御製

道之以德齊之以禮有恥且格

戊午  
春季

咨十有二牧

曰食哉惟時

寬則得衆信則民任焉敏則有功

公則說

戊午  
秋季

兢兢業業一日二日萬幾 聖人治

天下使有菽粟如水火菽粟如水火而民焉有不

仁者乎

己未  
春季

象曰天行健君子以自強不息 惟

仁者能好人能惡人

己未  
秋季

德惟善政政在養民

執其兩端用其中於民

庚申  
秋季

以義制事以禮制心

凡為天下國家有九經所以行之者一也

辛酉  
春季

罔違道以干百姓之譽罔拂百姓以從己之欲

詩云樂只君子民之父母民之所好好之民之所

惡惡之此之謂民之父母

壬戌  
春李

元者善之長也亨

者嘉之會也利者義之和也貞者事之幹也一

日克己復禮天下歸仁焉

壬戌  
秋李

天地之道恒久而

不已也子曰性相近也習相遠也

庚亥  
春李

天地養

萬物聖人養賢以及萬民

己上第一冊

子曰古之學者為己今之學者為人

甲子  
春李

天地之

大德曰生

居之無倦行之以忠

甲子  
秋季

天地感而

萬物化生聖人感人心而天下和平

子路問政

子曰先之勞之請益曰無倦

乙丑  
春季

修辭立其誠

致中和天地位焉萬物育焉

丙寅  
春季

聞四門明四目

達四聰

自天子以至於庶人壹是皆以修身為

本

丙寅  
秋季

天施地生其益无方

樊遲問仁子曰愛

人問知子曰知人

丁卯  
春季

君子以教思无窮容保民

无疆

夫子之道忠恕而已矣

己巳  
春季

上下交而其

志同也。君子之於天下也。無適也。無莫也。義之

與比。

壬申春季

知人則哲。能官人。安民則惠。黎民懷之。

視其所以。觀其所由。察其所安。人焉廋哉。人焉

廋哉。

癸酉秋季

君子體仁足以長人。以上第二冊

自誠明。謂之性。自明誠。謂之教。丙子春季勅天之命。惟

時惟幾。博學而篤志。切問而近思。仁在其中矣。

戊寅春季

思其艱以圖其易。民乃寧。成己仁也。成物

知也。

己卯春季

易簡而天下之理得矣。四時行焉。百

物生焉。

庚辰春季

其難其慎。惟和惟一。

舜明於庶物。

察於人倫。由仁義行。非行仁義也。

辛巳春季

益動而巽。

日進无疆。如保赤子。心誠求之。雖不中。不遠矣。

癸未春季

咸速也。恒久也。

以上第三冊

因民之所利而利之。

甲申春季

屢省乃成。

無適也。無

莫也。義之與比。

丙戌春季

皇建其有極。斂時五福。用敷

錫厥庶民。

不逆詐。不億不信。抑亦先覺者。是賢

乎。

丁亥春季

日新之謂盛德。

是以君子有絜矩之道。

也。戊子春季一日二日萬幾。所謂誠其意者。毋自欺。

也。巳丑春季欽哉。惟時亮天功。由仁義行。非行仁義。

也。庚寅春季聖人養賢以及萬民。修道之謂教。壬辰春季

輔相天地之宜。民之所好好之。民之所惡惡之。

癸巳春季慮善以動。動惟厥時。以上第四冊

仁者先難而後獲。甲午春季功崇惟志。業廣惟勤。日

日新。又日新。乙未春季有孚惠我德。百姓足。君孰與

不足。丙申春季君子所其無逸。先之勞之。請益。曰無



倦巳亥春季自上下下。其道大光。此之謂絜矩之道。

辛丑春季乾始能以美利利天下。不言所利。知者樂。

仁者壽。壬寅春季在知人。在安民。悠久所以成物也。

癸卯春季惟臣欽若。惟民從乂。以上第五冊

子臣

敬書。鈐寶二。子臣敬書。


冊內分鈐

寶璽

五福五代堂古稀天子寶。乾隆御覽之寶。避暑山莊。

八徵耄念之寶。

鑒藏寶璽寶笈三編石渠寶笈所藏



御書

高宗純皇帝御製十全武功文 十冊

一本幅紙本摺裝十冊第一冊十六幅第二冊  
十七幅第三冊二十一幅第四冊十九幅第  
五冊十六幅第六冊二十幅第七冊十九幅  
第八冊二十幅第九冊二十四幅第十冊二  
十一幅皆縱六寸五分橫八寸五分

御筆楷書

御製十全武功文 平定金川告成太學碑文

天畀我皇清握乾符俯坤軸函括萬邦悉主悉臣

五后繼承創守啟佑亦惟是二三蓋臣布德宣力予

曰有先後予曰有禦侮用造我不丕基罔有孽芽

罔不煦姬長養游於大當粵有金川娑羅奔者居

西蜀桃關以外界綽斯甲小金川之間向曾從征

得受符檄與諸土司齒顧恃其險遠夜郎自大構

釁鄰番各土司申訴封疆吏更曰蔓之不圖豈其

視為齟脫乃請兵籌餉期掃其穴而司其事者或  
怯縮以老師或標狡以蓄志軍無適從事用弗集  
予心憫然念邊徼之不寧或致增防置戍重勞吾  
民大學士忠勇公傅恒義同休戚毅然請肩斯任  
乃命以經畧印益厚集諸路軍芻粟相繼閭閻不  
驚卜吉於戊辰十一月之三日

馮牙以指所征朕親御武帳賜經畧酒以行天日和  
祖陽氣宣復都人士聽觀聳躍罔不忭喜謂露布

之旦暮至也乃歷燕晉驅秦隴越劔閣絕川江凌  
桃關之巖徑天射之峻又日討軍實而教誡拊循  
之均其渴飲飢食同其曉征夜眠至於密贊機務  
親草奏章則又經畧獨勤其勞而諸武臣有所不  
知有弗能共者恩威既明士用益勵度番落如戶  
庭過部伍於衽席奸酋授首軍聲大振復以巨礮  
擊其碣堅碣以摧將俟諸軍之集搗其中堅而番  
酋駭瞿駭喙稽首請降經畧臣以彼罪重惡極窮

而乞生久或渝且借馬慮不允所請朕惟

天地之德在好生彼蟻潰而鼠駭者毋寧赦而宥之  
且求降而盡殲之不可謂武矧不足以污我斧也  
於是經畧宣朕明旨登壇受降己巳二月之望日  
金川平定捷音至京是役也深入數千里奏凱未  
七旬而振旅之師多有返自中途未究其用者昔  
之成功巴蜀如建武之定公孫江陵之降李勢皆  
在版圖之內無足比數廷臣舉



皇祖朔漠

皇考青海成例請勒碑成均以示來許夫秉丹誠而  
運籌決勝永靖荒徼者經畧大學士之功也商可  
否於帷幄衝石矢於行陣者參贊大臣及諸將士  
力也朕何有焉惟是體

乾元之德凜佳兵之戒保大定功安民和衆庶幾可  
以垂則乎乃系之辭曰維

天生人類聚羣分凡茲林林孰非我民有羈而縻有

誨而諄豈伊異視遠近殊倫守在四夷稽古名言  
無已用之寓義於仁 蠢彼金夷恃其險阻蠶食  
豨張謂莫我拒不靖不庭侵厥鄰聚駭奔叫嗷以  
干大咎匪棘匪紆獵狁之故我張我伐獵狁之故  
我師既集賊亦相持匪敢相持懼誅自支兩易  
寒暑救功稍稽賊益以狂怒臂當車罪臣既誅以  
徇我師朕咨於恒汝往視之 朕咨於恒惟汝同  
德惟我庶士亦久于役將茲旗兵羽林神策其勇

熊羆其心金石何敵弗摧何攻弗克濟以汝忠奏  
捷頃刻 恒拜稽首臣敢弗獲既禡既宜師出于  
京師出于京時惟一陽未逾五旬乃壓其疆前旌  
獵獵有節煌煌羣番迺驚謂自天降 惟彼攸恃  
曰良爾吉以偵以諜如鬼如蜮其恃爰誅其類股  
慄紀律是明戎兵是詰鑄礮攻礮其守以失惟是  
懼誅潛弗敢出 其潛弗出乃旦夕延將齊我軍  
披其中堅大鞞大膊期日之前彼乃窮蹙乞降悚

虔惟命是從六事永遵除道築壇肉袒羊牽 赴  
赴鍾琪乃虔之懇聿抵賊巢開誠以諭搗其二酋  
軍門親赴悔罪歸誠車塵馬足順斯撫之昭我王  
虔昔也雷霆今也雨露 七縱諸葛單騎汾陽曰  
我相臣子前有光晉爵錫服黼黻龍章速歸黃閣  
左右贊襄休養生息惠鮮蜀邦我武既揚無疆惟  
慶 實勝寺碑記去歲夏視師金川者久而弗告  
其功且苦首之恃其碣也則創為以碣攻碣之說

將築礮焉朕謂攻礮已下策今乃命攻礮者而為之築礮是所謂借寇兵而資盜糧者全無策矣為之懣然因憶敬觀

列朝實錄開國之初我旗人躡雲梯肉薄而登城者不可屈指數以此攻礮何礮弗克今之人猶昔之人也則命於西山之麓設為石礮也者而簡飲飛之士以習之未逾月得精其技者二千人更命大學士忠勇公傅恒為經畧統之以行且厚集諸路

之師期必濟厥事賴

天之祐大功以成此固經畧智勇克兼用揚我武酋  
長畏威懷德厥角請命是以敵愾以往者率中道  
而歸竊恨未施其長技有餘怒焉記不云乎反本  
脩古不忘其初雲梯之習猶是志也而即以成功  
則是地者豈非綏靖之先聲繼武之昭度哉因命  
擇向庀材建寺於碣之側名之曰實勝夫已習之  
藝不可廢已奏之績不可忘於是合成功之旅立

為健銳雲梯營並於寺之左右建屋居之間亦依山為碣以肖刮耳勒歪之境昔我

太宗皇帝嘗以偏師破明十三萬衆於松山杏山之  
間歸而建實勝寺於盛京以紀其烈夫金川叢爾  
窮番豈明師比然畧昆明而穿池勝儂如而名子  
其識弗忘一也漢書訓碣作雕碣為石室而雕則  
若雕鷄之棲云者皆非是蓋西南夷語彼中呼樓  
居其音為碣云爾 平定準噶爾告成太學碑文

平定準噶爾勒銘伊犁之碑 平定準噶爾勒

銘格登山之碑

俱載續編

以上第一冊

普寧寺碑文乾隆二十年夏五月平定準噶爾冬  
十月大宴賚四衛拉特部落舊附新歸之衆於避  
暑山莊曰綽羅斯曰都爾伯特曰輝特曰和碩特  
四族台吉各封以汗王貝勒貝子公若而人其無  
隸屬之宰桑則歸之公如內八旗外四十九旗喀  
爾喀四部之例至是而內外一家遐邇同風之言



允符昔我

皇祖之定喀爾喀也建彙宗寺於多倫諾爾以一衆  
志式循

舊章建普寧寺於山莊之北麓而為之記曰

皇天有輔德之私

至聖有越世之度君子有見幾之作兆人有可格之  
誠我國寧撫有衆蒙古詎準噶爾一部終外王化  
雖庸衆有威之不知畏惠之不知懷地不可耕民

不可臣之言其然豈其然哉以我

皇祖

皇考聖德神功經文緯武其於莫伊犁勒銘格登山  
朝四部落之衆而錫之爵賜之幣式宴陳舞可汗  
起奉酒稱萬壽如今日者何難默契

大造意若有待是以遵養時晦垂成弗為予小子敬  
承

乾佑以為不可失者時遲徊觀望寧

二聖付託藐躬之意且此山莊即

皇祖歲時巡覲諸蒙古賓客之所也越三十年而克見準噶爾之衆咸覲於此豈非

皇天無私惟德之輔

至聖之度越世先知而見樂君子之作予亦不敢不勉衛拉特之衆豈終不可格以誠哉蒙古向敬佛興黃教故寺之式即依西藏三摩耶廟之式為之名之曰普寧者蓋自是而雪山蔥嶺以逮西海恒

河沙數臣庶咸願安其居樂其業永永普寧云爾  
復依普賢世界品而述偈言抖贊轉輪王功德甚  
深大造寺於西域其名三摩耶逮今千歲餘願海  
裝嚴就肖彼須彌山巍閣凡三層日月在兩肩地  
金水風輪其內小鐵圍大鹹海水滿持地障礙山  
馬耳及善見擔木並持軸持雙凡七山其中乃香  
水其上堅手天持鬘及恒憍四天王所住復有四  
方天其數各以八中乃忉利天善見帝釋宮欲界

四天子色界無色界次第居其上東曰勝神洲小  
勝及勝勝左右以次住南曰瞻部洲妙拂並小拂  
左右以次住西曰牛賀洲行道將小行左右以次  
住北曰俱盧洲最勝復詔勝左右以次住供養佛  
無數如普賢願海復為四色塔義出陀羅尼四智  
標功用懿此避暑莊古佛所游歷較彼衛藏地佛  
土無差別有來衆蒙古及新衛拉特咸敬黃教人  
爰作大利益肖彼三摩耶為奉天人師作此曼拏

羅嚴潔身口意依法香泥塗一切皆清淨香花供  
養具法螺法音聲轉無量法輪聚無量法衆誦無  
量法寶作無量法事我聞普賢言華藏莊嚴海是  
毘盧遮那往劫脩行處種種寶光明大雲徧一切  
捨身等塵刹以昔願力住徧十方國土出苦向善  
提方便示調伏世界所有塵一一見法界現佛如  
雲集此是如來刹大願周法界一切化羣生莊嚴  
從此出西土及震旦究竟無同異衆生皆安隱暨

蠕動肖翹遂生明佛性稽首天人師普賢行如是  
鐵章記鐵章一錯以金方得寸有十分寸之五  
博得十分寸之二柄以木方如之博得十分寸之  
五稍豐其上刻若井藻又楸以窮刻若華表柱之  
首其長二寸通章之博高二寸有十分寸之七藻  
上穿好綬約之綬之窮為蕃錦囊覆垂章上不可  
離藏以髹蓋其文曰厄爾德尼卓里克圖洪台吉  
之章華語所謂寶權大慶三也蓋自策妄阿拉布

坦時乞白達賴喇嘛用梵書刻印錫予以為準噶  
爾傳世之器今年夏既平準夷遂獲此章驛致典  
屬予既訝錄錫君長亦有世守法物也而又憫達  
瓦齊不得辭毀積之愆若夫戒盈知懼固不在區  
區抑埴之物矣作鐵章記 平定準噶爾後勒銘  
伊犁之碑 平定回部告成太學碑文 平定回  
部勒銘葉爾奇木之碑 平定回部勒銘伊西洱

庫爾淖兒之碑

俱見續編  
以上第二冊



開惑論

紫光閣五十功臣像贊

有序

以上第三

冊

實勝寺後記歲己巳建實勝寺於西山之下其緣起已見前記不復綴今賴

昊天垂佑

宗社篤祐平準噶爾回部拓地伊犁喀什噶爾葉爾羌一帶二萬餘里其外羈縻附屬如哈薩克布魯特安集延拔達克山等部不與焉凡乘機決計信

賞必罰奉

天討罪藉衆集事諸大端具見太學之碑開惑之論  
西師之詩亦不復綴茲記者寺左近健銳雲梯營  
實居之營之兵是役効力為尤多故不可不旌其  
前勞以勸夫後進先是呼爾瑞霍斯庫魯克之戰  
我師以少敵衆而賊據險伺隙故凡行陣參伍彌  
縫之際畧覺旗靡鼓餒處得健銳兵數十立其間  
則屹如堅城整而復進遂乃斬將奪旗用成殊績

蓋索倫兵馬射雖精以之馳突乘勝破陣無不如志而知方守節終不如我滿洲世僕其心定其氣盛夫人出萬死一生為國宣力而為之君者事成而忽若忘獨何心哉朕豈為之哉自己巳設此營而辛巳即收其效不啻樹樹十年之得報是潛移默運有若

天授予亦有所不知其然而然者而敬繩

祖武丕揚國烈矧矧惴惴惟盛滿之是懼猶初志也

是用重勒碑記之且肖喀喇烏蘇襲迫之狀蔡堡  
其側歲時幸香山閱健銳兵用寓尹鐸晉陽之意  
不亦可乎 皇輿西域圖志序語云耕當問僕纘  
當問婢志廣輿者不稽之歷代建置沿革將無從  
數典而志西域則有不能盡稽之歷代者實以幅  
員所限言語不通雖漢唐盛時亦頗能威行天山  
迤南建官設都而天山迤北本不能至也即有一  
二羈縻之國然叛復不常征調弗應又安能履其

地而疆索之哉且漢唐之程督異域者仍漢唐人而已其與準噶爾回部人語奚啻粵閩而燕荅則其所記魯魚亥豕之紛不待言而可知茲者叨

天佑藉羣力湊時會幸成是役準噶爾回部之人皆在廷執事而國語切音譯外蕃語又甚便且易我諸臣馳驅往來其間目覩身歷非若耳聞口傳者比俾司校勘而正其訛傳其真較僕婢耕織之問為尤詳且厄魯特語及回語朕亦因暇而習焉時

御丹槩為之改正。是西域志之書必應及。是時成  
之用。開歷代之羣疑。垂千秋之信錄。間亦涉及諸  
史以存述古。摠計分部一十有八。分卷四十有六。  
繪圖系說。蔚為完書。若夫闢地歲功。文臣或有過  
頌。朕所不取。惟是籌耕牧計久長。圖所以永

乾

賦。奠丕基。思日孜孜。持盈益。凜予安得有功。成無  
事之說哉。西域同文志。序歲庚午。既定同文韻  
統序而行之。蓋以梵音合國書。切韻復以國書切

韻叶華音字母於是字無遁音書皆備韻微特支  
那兒語突真可探而且寰宇方言拘墟盡釋茲者  
西域既平不可無方略之書然準語回文非纂輯  
文臣所曉是宜示之綱領有所遵循俾無躑躅舛  
訛之虞因以天山北路天山南路準部回部並西  
藏青海等地名人名諸門舉凡提要始以國書繼  
以對音漢文復繼以漢字三合切音其蒙古西番  
托忒回字以次綴書又於漢文下詳註其或為準

語或為回語於是兀格蟀自之言不須譯鞮象寄而凡識漢字者莫不通其文解其意瞭若列眉易若指掌書既成名之曰西域同文志同文云者仍闡韻統之義而特加以各部方言用明西域紀載之實期家喻戶曉而無魚魯毫釐之失焉然嘗思之天高地下人位乎其中是所謂實也至於文蓋其名耳實無不同文則或有殊矣今以漢語指天則曰天以國語指天則曰阿卜喀以蒙古語準語



指天則曰騰格里以西番語指天則曰那木喀以  
回語指天則曰阿思滿令回人指天以告漢人曰  
此阿思滿漢人必以為非漢人指天以告回人曰  
此天則回人亦必以為非此亦一非也彼亦一非  
也庸詎知孰之為是乎然仰首以望昭昭之在上  
者漢人以為天而敬之回人以為阿思滿而敬之  
是即其大同也實既同名亦無不同焉達者契淵  
源於一是昧者滯名象於紛殊是志也將以納方

俗於會極祛羣疑之分吟舉一例凡豹鼠易辨即  
世道人心豈云無裨益哉 西域地名考證叙概  
禹貢稱析支之叙周書紀西施之貢自是而外西  
域之誌經書莫詳詳西域實權輿司馬氏然司馬  
氏實未身涉其地而詢諸其人也徒以漢武勤遠  
使張騫輩持賂鑿空繼以貳師興師一狼千羊所  
得不償所失遷之所記出於傳聞夫魯魚亥豕以  
華言傳華言尚不能無訛而况語音殊衣服異嗜

好不同之絕域哉其不能無訛不待燭照而龜卜  
矣今我師平西域伊犁之地屯牧者我人回部之  
城蕃宣者我臣且國語切音實能盡各部轉韻曲  
折之妙是則傳萬里幅員之悉正千古紀載之舛  
實惟此時漢唐往事無論即如朔漠方畧所載初  
征噶爾丹時有回回國王阿卜都里什特者來降  
稱其地為葉爾欽哈思噶爾後盡歸準噶爾我之  
使臣不過至伊犁而止不能至回部諸城也乙亥

興師以來執訊獲醜屢詢其人稱為葉爾奇木哈什哈爾今則二城之人住京師者有之細詢其音乃定為葉爾羌喀什噶爾蓋回語謂地為葉爾寬為羌謂各色為喀什謂韃房為噶爾合而言之則葉爾羌者地寬也喀什噶爾者各色韃房也其他類此皆有名義然彼地自隆古以來其名其義未之或易徒以阻隔幅員不通音問遂致屢易久而始得其正夫以國語近各部之轉韻而一譯漢音

必待再三詳考始能無訛則史遷之不免闕漏益不待燭照而龜卜矣茲為方畧之書恐分纂之人無所取裁濫觴者豪釐之差承流者且致千里之謬因取各部山川疆域部落姓氏命軍機諸臣詳考確證歸於一是如提要凡例之作而叙其概如右自是之後統以新正之名為指南云爾 準噶爾全部紀畧自古無不誌外夷而實者少舛者多非以其方域所限言語不通耶得什一於千百加

以魚魯亥豕其堪信者鮮矣茲者平定準部止封  
達瓦齊子一人居之京都且城伊犁駐將軍鎮守  
事耕牧焉念彼原一大部落不可無紀故就親詢  
實事書之亦以便方畧纂叙也準噶爾四衛拉特  
者綽羅斯部那爾伯特部和碩特部土爾扈特部  
是其輝特一部本附庸於都爾伯特後土爾扈特  
竄歸俄羅斯故別輝特為一部仍稱四衛拉特云  
衛拉特明史稱為瓦剌其音頗近史所載脫歡太

師蓋其始祖元亡而其疆臣分為三其渠曰馬哈  
木者即脫歡之父也脫歡者蒙古準語同為奎今  
準人語奎為海蘇而蒙古語則仍舊蓋準人自避  
其祖諱此亦一證也自脫歡逮孛汗其世次不可  
考孛汗背正妻與他婦野合而生子曰烏林台巴  
剌太師其母棄之澤中孛汗收養之遂統部落又  
十一世而傳至賽音諾顏哈喇忽剌是為策妄阿  
拉布坦之曾祖子曰巴圖魯渾台吉有子十二人

五日僧格策妄之父六曰噶爾丹博碩克圖其餘  
無事無足稱長曰策臣次曰巴圖魯策臣與巴圖  
魯殺其弟僧格噶爾丹博碩克圖始自藏中回舊  
部反俗為汗於康熙年間犯塞戰敗走死先是噶  
爾丹博碩克圖既殺兄僧格之次子索諾木阿拉  
布坦僧格舊臣七人與策妄阿拉布坦同遠逃準  
語所謂多倫努爾者是多倫者漢語為七努庫  
爾者漢語為友蓋其患難相共所謂世臣並赦其



子孫七死云及噶爾丹為我兵敗策妄始還和博  
克薩里收其父舊屬及噶爾丹餘衆復成部落并  
縛噶爾丹子獻闕下遂自據汗位子噶爾丹策克  
噶爾丹策凌子策妄多爾濟那木扎爾其庶兄喇  
嘛達爾扎執而篡之達瓦齊復因阿睦爾撒納之  
計篡奪其位達瓦齊者巴圖魯渾台吉之第七子  
布木之子大策零敦多卜之孫於策妄為再從姪  
孫其小策零敦多卜則策妄之祖巴圖魯渾台吉

之弟默爾根代青之曾孫其去策妄世派蓋已遠矣先是康熙年間噶爾丹博碩克圖拘繫和碩特車臣汗收所屬人衆併入準噶爾鄂拓克其時有和碩特之拉藏汗者居唐古忒地即顧實汗之裔也子二人一名丹衷一名索爾扎丹衷由唐古忒仍回至厄魯特娶策妄阿拉布坦之女博托洛克為妻後策妄阿拉布坦知其學習哈拉爾查達術即巫蠱事也以兩釜夾丹衷身烙死遂令大策零敦多

卜領兵六千襲西藏擒殺拉藏并擄伊子索爾北  
我

聖祖仁皇帝

勅諭策妄阿拉布坦不得繹騷唐古忒地並發大兵  
進勦於是大策零敦多卜攜索爾扎逃回厄魯特  
藏地復平迨雍正年間策妄阿拉布坦死子噶爾  
丹策凌欲與唐古忒和好給索爾扎戶十資養並  
以博托洛克與韋徵和碩齊為妻其在丹衷處所

生子班珠爾給戶五資養彼時博托洛克復有孕  
未產適韋徵和碩齊後乃生一子是曰阿睦爾撒  
納故阿睦爾撒納雖為輝特台吉實與班珠爾皆  
丹衷之子噶爾丹策凌死策妄多爾濟那木扎爾  
恐索爾扎之子納哈查逃往唐古忒將伊禁錮至  
達瓦齊篡立始將納哈查釋放又和碩特羅卜藏  
車凌者娶策妄阿拉布坦之女達什色布騰為妻  
噶爾丹策凌時因羅卜藏車凌率領伊屬萬戶欲

往土爾扈特遂遣兵擒獲羅卜藏車凌囚之以其妻給韋徵和碩齊二子交烏魯特鄂拓克宰桑伍巴什安置至青海居住之羅卜藏丹津於策妄阿拉布坦時逃至準噶爾策妄阿拉布坦死後羅卜藏車凌羅卜藏丹津二人謀殺噶爾丹策凌嗣因羅卜藏丹津被拘羅卜藏車凌恐亦被囚遂欲逃往土爾扈特故雍正年間我

世宗憲皇帝索羅卜藏丹津噶爾丹策凌稱已縛送

至中途聞進兵而止者非詐也蓋彼業經拘繫之  
囚故不靳固而且欲以為奇貨也噶爾丹策凌於  
丑年死策妄多爾濟那木扎爾年幼其姊鄂蘭巴  
雅爾同母出也每以善言相勸禁其淫亂策妄多  
爾濟那木扎爾年既長遂不受其禁制並聽讒言  
謂其姊欲效俄羅斯自立為扣肯汗

扣肯汗者女  
人掌國事也

遂將鄂蘭巴雅爾拘繫並殺戮多宰桑其後屠狗  
盜妻之事無所不為益無忌憚鄂蘭巴雅爾之夫

薩音伯勒克遂同噶爾丹策凌庶子喇嘛達爾扎  
攻執策妄多爾濟那木扎爾喇嘛達爾扎遂篡汗  
位有噶爾丹策凌幼子策旺達什者阿睦爾撒納  
班珠爾欲誘出策旺達什立為汗後被喇嘛達爾  
扎知覺遂殺策旺達什阿睦爾撒納班珠爾二人  
憇憇達瓦齊云喇嘛達爾扎既將與爾同讎之達  
什達瓦小策零款多卜之子殺戮恐禍將及爾於是達瓦齊  
阿睦爾撒納班珠爾三人同逃哈薩克至申年達

瓦齊阿睦爾撒納班珠爾復回舊游牧處阿睦爾撒納遂殺其兄沙克都爾據其衆復與伊犁喇嘛等合謀殺害喇嘛達爾扎立達瓦齊為汗其次即阿睦爾撒納用事二人仍屬親厚有達什達瓦姪訥默庫濟爾噶爾者欲與達瓦齊分領準噶爾猝率兵一萬至伊犁與達瓦齊戰達瓦齊敗至舊游牧額米爾處與阿睦爾撒納會因阿睦爾撒納計誘執訥默庫濟爾噶爾誅之準噶爾衆仍立達瓦



齊為汗達瓦齊聽伊犁衆宰桑言與阿睦爾撒納  
生隙阿睦爾撒納本垂涎汗位既失望遂與班珠  
爾納哈查及都爾伯特訥默庫等會同哈薩克將  
額米爾一帶住牧者肆行擄掠且耕種額爾齊斯  
為自固計達瓦齊凡三遣兵勦阿睦爾撒納皆不  
克其後自領兵三萬至阿睦爾撒納游牧之額爾  
齊斯蹙之阿睦爾撒納勢不敵始投誠來歸此準  
噶爾始終構亂所由也至準噶爾鄂拓克昂吉之

名各異者鄂拓克為其汗之部屬昂吉為各台吉  
之戶下舊鄂拓克凡十有二烏魯特有四宰桑人  
五千戶為一鄂拓克喀拉沁有一宰桑人五千戶  
為一鄂拓克額爾克騰有一宰桑人五千戶為一  
鄂拓克克里野特有二宰桑人六千戶為一鄂拓  
克卓托魯克有一宰桑人三千戶為一鄂拓克布  
庫斯有一宰桑人三千戶為一鄂拓克阿巴噶斯  
哈丹各有一宰桑共人四千戶為一鄂拓克鄂畢

特有一宰桑人三千戶為一鄂拓克鄂羅岱有二  
宰桑人三千戶為一鄂拓克多果魯特有一宰桑  
人四千戶為一鄂拓克霍爾博斯有一宰桑人三  
千戶為一鄂拓克綽和爾有一宰桑人三千戶為  
一鄂拓克其後復立鄂拓克十有二巴爾達木特  
有三宰桑人四千戶為一鄂拓克庫圖齊納爾有  
五宰桑人四千戶為一鄂拓克噶爾襟特有三宰  
桑人四千戶為一鄂拓克沙拉斯有二宰桑人三

千戶為一鄂拓克嗎唬斯有一宰桑人五千戶為  
一鄂拓克布庫努特有一宰桑人二千戶圖古特  
有一宰桑人五百戶為一鄂拓克烏拉特有一宰  
桑人三千戶為一鄂拓克阿爾圖沁有一宰桑人  
五百戶為一鄂拓克扎哈沁有三宰桑人二千戶  
包沁有三宰桑人四千戶為一鄂拓克奇爾吉斯  
有四宰桑人四千戶為一鄂拓克特楞古特有四  
宰桑人四千戶鄂爾楚克有一宰桑人五百戶烏

爾罕濟蘭有一宰桑人八百戶為一鄂拓克明阿  
特有二宰桑人三千戶為一鄂拓克鄂拓克之外  
復有五集賽阿克把集賽有二宰桑人四千戶賚  
嗎里木集賽杜爾把集賽推素隆集賽伊克胡拉  
爾集賽各有一宰桑人各一千戶其後復立集賽  
四溫都遜集賽善披領集賽各有一宰桑人各一  
千戶桑堆集賽品陳集賽各有一宰桑人各三百  
戶此九集賽辦理喇嘛一切事務喇嘛有六千餘

準噶爾共六十二宰桑二十四鄂拓克一切供賦  
俱其汗公物其外復取烏梁海及葉爾羌喀什噶  
爾阿克蘇和闐四城回人租入其二十一昂吉為  
各台吉所有而統屬於準噶爾之汗昂吉者準語  
分支之謂也綽羅斯部之達瓦齊一昂吉達什達  
瓦一昂吉多爾濟丹巴一昂吉噶爾藏多爾濟一  
昂吉訥默庫濟爾噶爾一昂吉鄂齊爾伍巴什一  
昂吉都爾伯特之策凌一昂吉達什一昂吉伯什

阿哈什一昂吉和碩特之沙克多爾曼濟一昂吉  
輝特之塔爾巴哈沁薩音伯勒克一昂吉和通額  
默根一昂吉多羅特舍楞一昂吉敦多克一昂吉  
葉克明安巴雅爾一昂吉車凌班珠爾一昂吉巴  
圖爾額默根一昂吉察罕圖克阿睦爾撒納一昂  
吉博洛果特台吉諾海奇齊克一昂吉土爾扈特  
台吉巴圖爾伍巴什一昂吉吞都布一昂吉共二  
十一向於西師詩稱二十一昂吉為其汗公屬者

蓋考之而未詳茲始詳詢縷細如右然各台吉雖分領其昂吉凡出師執役無不聽其汗之令則初所譯者亦未為大差也統計其汗之二十四鄂拓克九集賽及各台吉之二十一昂吉得二十餘萬戶六十餘萬口成一部落者百十餘年語云十人成之而不足一人敗之而有餘吾於紀準噶爾之事益見其不爽賈生所謂仁義不施而攻守之勢異雖夷狄之有君豈能外是道哉

以上第四



平定準噶爾方略序

已載續編

普樂寺碑記避暑山

莊當興桓隕區直北地巨獅溝西南官廨民廬聚  
落殷羨獨其東偏列嶂邈綿周原紫衍則諸經所  
稱廣長清淨於佛土宜乾隆乙亥西陸大功告成  
衛拉特各部長來會時事嘗肖西域三摩耶建寺  
曰普寧嗣是達什達瓦屬人內徙即次旅居環匝  
山麓越歲乙酉復於迤左仿伊犁固爾札都綱建  
廟曰安遠然自廟南延望錘峯式壇式閼厥壤猶

隙惟大濛之俗素崇黃教將欲因其教不易其俗  
緣初構而踵成之且每歲山莊秋巡內外扎薩克  
覲光以來者肩摩踵接而新附之都爾伯特及左  
右哈薩克東西布魯特亦宜有以遂其瞻仰興其  
肅恭俾滿所欲無二心焉咨之章嘉國師云大藏  
所載有上樂王佛乃持輪王佛化身居常東嚮洪  
濟羣品必若外闢重闔疏三塗中翼廣殿後規閣  
城內疊磴懸折而上置龕正與峯對者則人天咸

遂皈仰將作如制以丙戌正月經始泊丁亥八月  
訖工爰取普樂顏寺額而為之記曰自西人之瀕  
於塗炭也湫隘沾危不能終日朕則為之求寧焉  
既寧之後奔奏偕徠室家還定朕則為之計安焉  
既寧且安其樂斯在譬如佛影覆於鷁身四大得  
所離怖畏想生歡喜心斬自剎那以逮億劫同遊  
春臺化宇樂其樂而不能名其樂真上樂耳雖然  
曷易臻此哉語曰民可與樂成難與慮始又曰先

天下之憂而憂後天下之樂而樂是朕所由繼普  
寧安遠而命之為普樂者既以自慰且重以自勗  
而匪直梵文勝因福利之云云也記成并系以讚  
善哉大能仁無去亦無住以何因緣故現此說法  
身人天咸護持功德甚希有云何稱上樂自小千  
中千既三千大千法界無究竟爾時兩足尊甘露  
為灌頂一切諸衆生若有情無情念彼佛力者受  
持陀羅尼三世諸如來神力並加汝第一具根性

即身得證佛其次小乘人得八大成就靈丹淨眼  
方徹地智慧劍空行遍周歷延年無疾病自洛义  
俱胝無量僧祇劫萬行齊完滿求福不唐捐普種  
福德田普蔭如意樹普覆大慈雲普渡大願船震  
旦閻浮提清寧共安隱而彼狼荒俗永脫修羅天  
合十白佛言此是法王力要知大自在本分元自  
足無苦彊言樂即墮分別相樂故無名名上亦無  
等等東峯開妙鬘寶閣照旭光舉似日出處了了

正知見光與日無盡誰識所本來八寶莊嚴成香

華天樂備大會啟無遮同證無上道 土爾扈特

全部歸順記 優恤土爾扈特部衆記 土爾扈

特部紀畧

俱載續編  
以上第五冊

平定兩金川告成大學碑文 平定金川勒銘美

諾之碑 平定金川勒銘勒烏圍之碑 平定金

川勒銘噶喇依之碑

俱載續編

平定兩金川戰圖詩

序丙戌戰圖紀西師事而有補詠六詩戊子戰圖

紀烏什事亦有補詠六詩茲繪平定兩金川戰圖  
凡十六幀則皆歷年因事成什無煩補為者也夫  
戰圖之不可無以將士盡忠敵愾宣猷立勲不可  
忘其勞也而一而再再而三雖曰應

天順人出乎不得已非窮兵黷武之為誰其信之曹  
松之言非為將者之過皆予一人之愆幸而集事  
庶免勞而無功之譏耳然圖以旌其勇詩以識其  
詳觀其圖以釋其詩則予所以夙夜勤劬運籌狎

至不啻與諸將士共折衝於矢石金鼓之間者畢見於是或少謝但知已逸而不知人勞是則予所深企而猶未可必者也予之子孫其尚以予之所為為戒更當以予之所為為勉如其不能則莫如息事寧人如漢文帝宋仁宗之自守可耳

以上第六冊

平定金川五十功臣像贊

序有

平定兩金川方畧

序

俱載續編

大宛馬識語歲乙亥準噶爾平越明年

左右部哈薩克以次內附又明年使臣入覲隨獵



有詩紀事並加按定哈薩克為漢之康居又越二  
年哈薩克來貢馬因成是歌仍謂之大宛者以自  
古相傳大宛產善馬也夫西域諸國何地不產馬  
而大宛獨擅其名漢時人足未履其地僅聞其名  
阻闕胷昧遂以為大宛所獨耳不寧惟是即我朝  
西極未定之前準噶爾所貢馬率謂之大宛向按  
大宛部落彊盛附庸者多哈薩克當是其部中之  
一國非臆說也史記載康居南羈事月氏東羈事

匈奴則康居固他人之屬國耳張騫使月氏為匈奴所閉及亡抵大宛而大宛遂能為發導驛抵康居是康居本聽大宛役屬也唐書載石國故康居小王竊匿城地漢書所謂康居小五王之一而唐顯慶中以為大宛都督府亦其一證故哈薩克以漢語言之則為康居自其服屬言之則原大宛近三十年來軍吏塗經貢使踵接汗血之馬服阜獨樹之蹟寄題非如前代鑿空者比比歌與丁丑按

語固相印合不得以異同致疑矣。幾暇重書是卷。

因識之

以上第七冊

勦滅臺灣逆賊生擒林爽文紀事語 四知書屋

記 福康安奏報生擒莊大田紀事語 平定臺

灣二十功臣像贊

有序 俱載續編  
以上第八冊

平定臺灣告成熱河

文廟碑文昨記平定臺灣生擒二兇之事亦既舉  
平伊犁定回部收金川為三大事尚文勒太學其

次三為誅王倫翦蘇四十三洗田五以在內地懷  
慚弗鄉其事而平定臺灣介其間固弗稱勒太學  
然較之內地之次三則以孤懸海外事經一年命  
重臣發勁兵三月之間擒二兇定全郡斯事體大  
訖不可以不紀因思熱河

文廟雖承德府學耶而予每至山莊必先展拜廟  
貌秋仲丁祭常遣大學士行禮則亦天子之庠序  
矣且予去歲籌臺灣之事日於斯

天佑予衷命福康安海蘭察率百巴圖魯以行及簡  
精兵近萬亦發於斯而諸臣涉重洋冒艱險屢戰  
屢勝不數月而生擒二兇且無一人受傷者是非

上蒼默佑

海神助順昌克臻斯則予感謝之誠兢業之凜亦  
實有不能已於言者籌於斯發於斯臻於斯  
文廟咫尺我

先師所以鑒而呵護者亦必在於斯記所謂受成

告成正合於是地也則平定臺灣告成熱河

文廟所為禮以義起非創實因且予更有深幸於  
衷而滋懼於懷者予以古稀望八之歲五十三年  
之間舉武功者凡八七胥善成其一惟征緬之事  
以其地卑濕瘴癘我軍染病者多因其謝罪求罷  
兵遂以振旅是此事究未成也近據雲南總督富  
綱奏報緬甸謝罪稱臣奉貢之事命送其使至熱  
河將以賜宴施禮是則此事又以善成於斯矣夫

奉

天治民百王誰不為天子而予以涼薄仰賴

祖宗德施受

天地恩眷獨厚近八旬之天子歲八事之武功於古誠希示後有述使一事尚留闕欠予之懷慚終不釋也自今以後益惟虔鞏持盈與民休息敢更懷佳兵之念哉夫

天地天子之父母也子於父母之恩不可言報中心

感激弗知所云已耳繫之辭曰瀛壖外郡閩嶠南  
區厥名臺灣古不入圖神禹所畧章亥所無本非  
扼要棄之海隅朱明之世始聞中國紅毛初據鄭  
氏旋得恃其險遠難窮兵力每為閩患訖無寧息

皇祖一怒遂荒南東郡之縣之闢我提封一年三熟

蔗薯收豐浙興學校頗晉生童始之畏途今之樂

土大吏忽之恣其貪取

臺灣遠隔重洋風濤冒涉其始陞調之員原以為畏

途既以該郡物產豐饒頗獲厚利調任之員不以涉險為虞轉且視為樂土如近日福康安等參奏



文職自道員以至廳縣武職自總兵以至守備十  
摠巡查口岸出入船隻於定例收取辦公飯食之  
外婪索陋規每年竟至盈千累萬而督撫大吏輾  
委之耳目難周不能詳查於是益無忌憚茲據參  
奏不可不分別嚴加懲治以儆官邪而申國憲既  
嬉其文復恬其武匪今

伊昔叛亂屢覩向辛丑年昨丙午載一貴真文其

亂為最

地方文武既皆習於恬嬉則文員祇知飽  
其慾壑豈復以撫字為心武員甚至縱兵

離營牟利並自摠兵以下各衙門設立四項聽差  
名目多者三百人少亦三十餘人存營之兵無幾  
又豈復以操練為事以致奸民既得藉口更無畏  
心煽誘愚民屢形叛亂其甚者如康熙辛丑年之  
朱一貴及昨丙午歲之林爽文糾眾戕官據城僭號  
更為罪大惡極水陸提督發兵

於外柰相觀望賊益張大

林爽文滋事之始水師提督黃仕簡陸路提督

任承恩一同帶兵渡海謂可即時撲滅不  
意南北互相觀望遂至賊勢日益披猖

天啟予衷更遣重臣百巴圖魯勇皆絕倫川湖黔粵

精兵萬人水陸並進至海之濱

上年正月雖燭於  
熒先命李侍堯代

帝青為總督而以帝青為將軍專司征勦帝青究  
未經行陣祇能保守府城不能奮加勦賊幸  
天牖予衷六月內即諭令福康安入覲熱河繼而  
帝青亦請旨另簡重臣代己隨於八月初命福康  
安為將軍海蘭察為參贊帶巴圖魯侍衛章京等  
百人並即調四川屯練二千廣西兵三千湖南兵  
二千貴州兵二千水陸並  
進以侍福康安至彼領勦

至海之濱崇武畧駐後

兵到齊恬波徑渡一日千里以遲為速叶百舟齊

至

神佑之故

福康安等至廈門於十月十一日自大

守候逾旬適四川七練與廣西之兵先至而風亦轉利遂於二十八日申刻放洋至二十九日申刻兵船共百餘隻齊抵鹿仔港千里洋面一日而達其始似覺遲滯而既渡之後所向無前轉得迅歲大功信非神靈馳救諸羅羣賊蜂擁列陣以待佑助何以至斯

不值賈勇如虎搏兔案角隴種頃刻解圍義民歡

動

維時賊匪久圍諸羅聞大軍既至亦蜂擁迎拒福康安海蘭察及巴圖魯等即日統兵前進勦

殺無算立即解圍義民等無不歡忻踴躍出城迎師斗六之門為賊鎖鑰大

里之杙更其巢落長驅掃蕩如風卷箨夜攜眷屬

內山逃託斗六門為賊門戶最稱險要官兵乘銳立拔隨即搗其大里杙巢穴林與文騰

落連夜攜其家屬逃至埔裏社埔尾一帶遂成釜底游魂矣生番化外然亦人

類怵之以威賚之以惠彼知畏懷賊竄無地遂以

成擒英文首繫先聞林與文計窮即欲逃入內山而生番狙獷未必能喻利害或將

逆首藏匿則難速藏預命福康安既林以威復賚

以惠生番等果即傾心效命協同官兵社丁人等

竟於正月初四日在老鸞崎之地將林與文生擒解京俾元惡不致漏網可知凡有血氣無不各知

自為顧所以經  
理者得當否耳  
狼狽為奸留一弗可自北而南居

上臨下叶海口遮羅山塗關鎖遂縛大田畧無遺

者

叶

林典文逃入內山勢已成擒莊大田在風

安悉心籌畫預令烏什哈達帶水師兵丁絕其去  
路而分巴圖魯等為六隊各自山梁挨次排下四  
面合圍適值順風烏什哈達水師之兵連檣而至  
沿海密布莊大田逃竄無路立即就擒并其頭目  
四十餘人無一脫者復殺賊眾二千餘名又有逃  
入柴城瑯嶠各番社者三百餘人被生番等立即  
擒獻伏誅於是賊匪一時  
殲戮殆盡合郡頓稱平定  
二人同心其利斷金曰

福康安智超謀深曰海蘭察勇敢獨任三月成功

勲揚古今既靖妖孽當安民庶善後事宜康安並

付定十六條諸弊祛故永奠海疆光我王度

此次臺灣

用兵其始不能滅賊非盡由士卒怯懦之故亦由領兵者不得其人遂致稽延時日若福康安之智謀算無遺策海蘭察之勇敢所向披靡可謂一時無向而又同心共濟以此士卒用命勢如破竹未及三月而大功告成洵能不負任使至於平定之後不可不急善後之方以為永靖之計副據福康安奏定祛除積弊十六條俱能志心籌酌切中肯綮已令大學士九卿議行以後地方文武實力遵守海疆庶可永慶安恬矣

凡八武成蒙佑自

天雖今耄耄敢弛惕乾如日七德實無一焉惟是敬

勤勵以永年 蘇楊論 戡定安南復封黎維祁

為國王功成班師之記 書安南始末事記 再

書安南始末事記 補詠安南戰圖六律序 十

全記

俱載續編  
以上第九冊

喇嘛說已載續編 補詠戰勝廓爾喀之圖序補詠戰

圖之什達斯凡六伊犁四部第一烏什第二金川  
第三臺灣第四安南第五及今

廓爾喀第六 歷數成功之全即今乃十平定伊犁二次  
回部一次金川

二次臺灣一次緬甸一次安南  
一次及今廓爾喀二次共十次 予幸在茲予惕更

在茲蓋予受

祖宗付託之重。度德量力。尚恐守成之或虧。敢懷開  
擴之奢望。且予自少讀書。即欽

天地愛物之心。深知窮兵黷武之戒。是以繼位之初  
即謹遵

皇考之訓。許準噶爾之求和。罷兵寧人。將二十年矣。  
乃準夷內亂。歸降者踵接。思我喀爾喀之地。不能  
容爾許人。於是乘機撫衆。有甲戌之師。自是而兩



定準夷一平回部再靖金川緬甸安南各歸順臺  
灣一舉輯海洋及此前後收廓爾喀遂有十全之  
武功使予自問亦不知何以成此則實賴

上天默佑每以險而獲安常值危而得勝較古之英  
君賢將赫濯樹勲者雖不敢云過之而自審實無  
不及所云予之幸人或知而予之惕則人或未知  
也所惕者何自古為天子者孰非

天之子既為

天之子

天孰弗愛之而予獨承之深受之屢設有失德違

愛則所以罰之者亦必重此予所以業業兢兢不遑  
刻安者也且前此八功之成雖云絕域外洋皆人  
力尚可施之地若斯廓爾喀則在萬里三藏之外  
更數千里陁壁線路下臨深川不能容馬人皆踵  
跡而行我將卒胼手胝足雖情竅疲弊而氣愈鼓  
心愈壯突將無前賊人駭為天降鹿埭隴種傷生

實多而憐之乃致彼魂落膽喪匍匐求降此而弗  
圖其勞予心又何忍適不云乎自少年即深知窮  
兵黷武之戒乃四十年之間自甲戌始十成武功  
非用兵而何幸而蒙

天眷佑得以劬劬戡事於民無一賦之加於事有十  
全之美則予之所以早作夜思敝精勞神者庶可  
少逭窮黷之譏耳觀斯圖也不啻共將卒之辛苦  
實並切心膺之恫瘝詩以言志其志亦不外乎此

爾 十全老人之寶說

前已  
恭載

兵部奏凱旋兵丁

至京由驛各歸本地營伍紀事

前已  
恭載

平定廓爾

喀十五功臣圖贊

有  
序

廓爾喀畏威乞降歸順武成

平定功臣効力宜有圖贊例應論爵以軍機大臣

為首而大學士阿桂以此番絕域歷險實異常之

勞當以大將軍福康安為首因嘉許之為之序曰

武成圖功逮此凡四

紫光閣圖功臣像各為之贊  
自平定西域兩金川臺灣遠

此凡夫用兵豈易言哉必出於不得已而不出於

貪得恃強審時應機既明且斷信賞必罰仍摠賴  
天貺助順捨斯數者未有不見其敗而資窮黷之譏  
者也伊犂回部金川既受俘虜事余已不復萌用  
武之心無何而臺灣叛福康安等渡海勦賊不久  
生擒賊首故此戰圖仍依例以阿桂為首今之廓  
爾喀又在西藏數千里外絕壁衝天急湍臨峽捨  
馬單步非福康安海蘭察二人同心鼓舞身先士  
卒斷不能成此七戰七勝之功首圖其像允合予

心而符衆望也西師金川功臣各百予親為贊者  
各五十餘命儒臣為贊各五十以成百數臺灣功  
臣予親贊者二十餘命儒臣為贊者三十以成五  
十數今平定廓爾喀之功臣予親贊者十五餘命  
儒臣為贊者十五以成三十數蓋以西師及金川  
歷年久而擴地廣故人數多臺灣成功速而地非  
廣故人數次之若廓爾喀則又速於臺灣地雖險  
而實弗廣也故予親為贊者不過十五儒臣為贊

者亦祇十五然以摠數較仍勝凌烟雲臺之所表也此實

吳蒼護佑國家

祖宗培養所貽賢材接踵為邦家光予藐躬欽承惟謹盛滿是懼且歸政年近老而畏事遑敢復有他

圖哉 大學士一等忠銳嘉勇公兩廣總督福康安百戰久經兩功近成近之險地前聞未曾七戰

七勝度索乘桴舊勲新讓

此番聲討廓爾喀福康安身先將士履險臨深

無戰不捷大功克歲其忠貞實邁等倫若以爵論  
阿拉本應居首而阿桂自以此次未臨行陣奏讓  
福康安為首功實為嘉許首圖大學士一等誠  
公允可嘉遂俞其請

謀英勇公阿桂七旬以上身體康強從不言功黃

閣贊襄威克安久

此次用師必大彰國威而後允降庶幾可以久安不致再生事

端唐太宗所謂示之必克其和乃固正合朕意福康安固能仰體此意力感殊勲而阿桂原有協謀之功亦不可掩曾亦協謀宜一个臣有容休休大學士

三等忠襄伯和坤國家用武帷幄絲綸事殊四朝

謂漢唐

清文漢文蒙古西番頗通大意

去歲用兵之際所有



指示機宜每兼用清漢文。此外頗結達賴喇嘛及  
傳諭廓爾喀書並兼用蒙古西番字臣工中通  
曉西番字者殊難其人惟和  
勤勞書旨允稱能事  
坤承旨書諭俱能辦理秩如

大學士王杰司學閩疆臺灣事曉海洋進退頗

亦了了短詩長記晝夜騰章

每軍營奏報捷章皆有詩文誌事隨時騰

寫至西藏番地情形實未能知悉也

無暇贊策人各用長

大學士

孫士毅安南之役體國還軍

安南之役初以黎民臣服年久不忍坐視

惟是

天厭黎德朕已先見及此使孫士毅既

為復國之後果即遵旨班師何至後此有傷我官

軍之事然孫士毅身為帥臣彼時設亦如武臣等捐軀効命則所繫國家威重匪小幸而潛師以出

宗歸國請罪是尚孫士毅克復黎城朕削功寬罪原省以公爵追失事

知以國為重者也之後彼亦自知罪無可追朕削其功而寬其懲獎

能臣征廓爾喀命理軍儲盡其心力亦堪入圖

原任領侍衛內大臣一等超勇公海蘭察勇而有

謀侍衛濟公乙亥征討準噶爾時海蘭察方以索倫馬兵從軍先是輝特台吉巴雅爾

率屬來降已封為汗及阿睦爾撒納復叛後巴雅爾

海蘭察奮力窮追射之墜馬遂生擒以歸以此立

策為侍衛嗣後每冰出兵無不奮勉爭先而料敵

次為參贊功成復晉封一等超勇公實為索倫之

傑出者矣。索倫巨擘黼衣錫龍圖形四番福祿鮮比旋  
終於家矜惜無已。戶部尚書福長安戚畹開門

家國一體兄勤遠征弟贊近理鴻邱之隔樽俎之

間無不同心弗稱己上聲人關征廓爾喀之役予

畫機宜福長安盡心襄贊志合予意戶部尚書

董誥儒雅措紳本不識兵樞機久參習以盡誠地

官掌賦軍中儲積皆從內地撥往及凱旋度支是

司軍儲萬里調撥合宜 兵部尚書慶桂所謂故

國賴有世臣量

去聲

材受職非卑逾尊

子語

本兵習

政明代最重本兵之職凡遇軍興志以委之自中  
任者率多庸懦厲儒動皆掣肘更恣苞苴比其國  
事寧後可陶近作凱旋兵丁各歸營伍紀事文曾  
指其失以昭懲戒至我朝用兵惟任將軍參贊相  
機攻取是以所向無敵而兵部所司不過設驛安  
頓送往迎回元長聲之子慶柱為尹繼善之跨竈  
諸事而已元長聲之子慶柱為尹繼善之跨竈  
是乎說從前西番用兵惟傳恒與予一心主必辦之  
亦習於書生拘守之常談不足以及識事機彼時並  
慮辦理軍務非其所長因令黃廷桂調任陝甘專  
司其事是以西帥歲功伊雖為世臣未得列入戰  
國今慶柱以軍機大臣邀恩得此榮遇轉學跨竈

矣圖形始爾

工部尚書和琳二庸駐藏諸務推

諫停習澤雅滿泰二人同為駐藏大臣乃平時於

鄂爾喀之事置若罔聞藏中一切委之噶布倫

等任其妄為迄廓爾喀侵擾藏地又不能帶兵征

勦轉欲將達賴喇嘛班禪額爾德尼移至內地或

甘心棄置藏地不知是何肺腸因令將伊選良伐

二人於藏地枷責以為推諉國事者之成

之條條有理和坤之弟責難觀成和琳先為御史

道漕運頗能認真挑濟督惟因悉其才具優長並  
知為和坤之弟去歲今往代俾習渾等為駐藏大  
臣沿途具奏催償烏拉立定期限嚴申賞罰軍裝  
火藥源源運送不致遲悞及到藏後辦理糧餉事  
宜整頓藏中諸務一切井井有條初不料其嘉得  
竟能副朕委任而國家得一良材尤堪慰悅

世臣為國之楨 四川總督惠齡和琳督糧至藏

之西 濟龍以內糧運為拉身任和琳往來督催可

方之機路 師進賊境繼運留資 初命惠齡為四川

亦難瞻顧 總督即令同至軍

營投為參贊大臣既念大兵深入賊境師行糧隨

最關緊要而惠齡於調度既不能如福康安戰陳

亦更不如海蘭察用其所長莫若竟以後路糧運

專責其成其在拉子地方設法趕運糧石軍械及

在賈商民長運諸務悉為周妥並不 餉戒不匱用

貪得戰功希冀懋賞此意亦為可嘉

濟武成功亦懋哉初被圖形 原任都統銜護軍

統領喇布凱巴圖魯台斐英阿首攻擦木繼克濟

龍身先士卒奮勇成功遂至帕朗逼甲爾古

台斐英阿

自擦木進兵以從無不身先士卒往來截敵最為奮勇及攻東覺山梁尚用砲轟紫紅衣綠衣賊目其從進攻甲爾古拉復直前射斃紅衣賊目不意中鎗殞軀深為痛惜

直進殞身痛

惜心楚 護軍統領和隆武巴圖魯額勒登保石

碉木柵鱗疊賊防勢如卷箝捷似頽牆將軍所示

無不領畧 額勒登保時為翼長司軍前各隊營務及調遣諸事故能領畧將軍意指此番

前從七戰承領精兵攻承領精兵埋根卓鏢 原

碉柵所至無不克捷任副都統札努巴圖魯阿滿泰遇有絕險莫弗身

先詎惟力勇實以忠堅攻堆補木奪橋命殞馬革

未能

大官兵攻奪濟龍官寨及搶奪熱索橋由裁綬

塞阿滿泰無不身先鼓勇痛殲賊衆忠悃實屬超  
羣乃至攻噶勒堆補木過河時見賊匪將撤橋  
板在前搶奪兵丁乘勢競進而伊適以在前中鎗  
落河水深溜急當爭先進擊之際不及撈覓並不  
得裹馬革以

歸益堪憫惻

更切哀憫

副都統銜駐劄西藏協

辦事務大臣賽尚阿巴圖魯成德曾爭巴忠

前次

各使撥藏邊巴忠授意唱布倫丹津班珠爾許銀  
賄地成德未嘗不知然聞彼時曾力詆其非而巴  
忠恃在御前行走諸事擅專

雖爭之不得而心尚雄壯

尚有雄心克聶拉木



賊人佔據蘇拉木官寨成德與穆克登河率兵乘  
夜前進距寨里許穆克登河由西南伊由西北進  
攻拋入火彈燒斃賊匪甚衆其逃出者復被官兵  
殲戮二百餘名寨中尚屯聚賊匪令我兵四面圍  
困無一漏網亦見韜楛重進勦賊別分一路繼而  
者頗見勇畧由色達木一路深入賊境福康安分派成德由哈  
那家木山一路進攻既同阿尼雅布等將札木攻  
克又聞前途有鐵索橋即潛行樹林內奪據大河  
東岸賊卡乘夜奪橋並將西岸賊卡攻克沿途殺  
獲甚衆復由江各波邁山梁直趨隴岡與彥吉保  
會合兩面夾擊佔據隴岡所有賊卡悉被焚燬此  
次成德分路攻頗有所克圖形表故子臣  
勦功亦可錄

書鈴寶二子臣

敬書

以上  
十冊

敬

冊內分鈐


寶璽

五福五代堂古稀天子寶八徵耄念之寶

太上皇帝之寶淳化軒寶

十冊同

鑒藏寶璽寶笈三編石渠寶笈所藏



御書

高宗純皇帝御製集石鼓文并序

一冊

本幅紙本摺裝十五幅皆縱五寸橫一尺

御筆楷書

御製集石鼓所有文成十章製鼓重刻序 凡舉大事必有其會與其時而摠賴昭明

天貺以成其功武成九次無論矣即如四庫全書及

以國書譯漢藏經皆始於予六旬之後

自癸巳年  
蒐輯海內

遺書並於永樂大典內採集散編命館臣依經史子集督繕四庫全書四分。又佛經本出厄訥特克一譯而為唐古忒之者再譯而為震旦之漢其蒙古經則康熙及乾隆年陸續譯成而未由國書之佛經先於三十七年亦命開館譯定茲二事卷帙浩繁俱非易於觀成者乃皆在予六旬後始命舉行初亦不覺其遲也既而悔之以為舉事已晚恐難觀其成越十餘載四庫全書則早參攷裝潢畢以貯之閣而所譯漢藏茲亦將告畢就此非

天恩垂佑俾予雖老而善成此二事乎近因閱石鼓文惜其歲久漫漶所存不及半夫以國學興賢述

古之為使千萬年之後並此僅存者昏歸無何有  
之鄉有治世之責者視之而弗救予且不成為讀  
書之人矣斯事體大千古讀書人所不能任亦從  
無道及者予故不作不文及此未至耄耄智昏爰  
歲此事蓋石鼓之為宣王時作與夫宜置國學為  
萬世讀書之津逮自以韓昌黎之見為正車攻吉  
日之章班班可考也

後人議論紛出如董道程大昌據左傳成有岐陽之蒐以為秦

為成王鼓鄭祖據豳二字見秦斤秦權以為秦

鼓馬定國據後周書以為宇文鼓陸友仁據北史

以為元魏鼓摠不若韓愈之見為正。蓋即本鼓之  
文。取証小雅可信也。若歐陽修集古錄云章應物  
以為文王鼓。宣王刻。今應物石鼓歌具存。明以為  
宣王。何曾有文王之說。近者尚誤。况與論三代以  
哉。夫昌黎有其見而無其力。且未思及存其詩則

予較昌黎為勝矣。茲用幸翰苑之例。

乾隆九年重修翰苑落

成親臨錫宴。以張說東壁圖書府五律四十字為韻。予賦東字及末音字二韻。其餘勅諸臣各分一

韻賦。親定首章截其長以補後數章之短。即用文

中字並成末章自第二至第九命彭元瑞按餘字  
各補成章。非因難以見巧實述古以傳。今於是石

鼓之丈仍在十鼓井井有條而不紊矣舊鼓舊文  
為千古重器不可輕動但置木柵蔽其風雨以永  
萬世而新為十鼓以刻十章並列國學以公天下  
惠後儒則仍周宣之文也熱河

文廟為歲歲惠遠詰武之地則亦命置之以詔來  
世庶乎宣王中興之烈不泯

宣聖牖世之道恒昭而予及耄耄之年尚得歲此  
崇文之舉孰非會之萃時之合深蒙



昊眈之所致哉希周家卜世之久。邕皇清重道之規

後世子孫尚慎念之是為序 避我車既工攻避

我馬既同避我車既好避我馬既駟阜君子員二

云邕二獵其旂鹿鹿速二君子之求右一八句凡二十九

字重廊廊猷音合衛道允裁熾佳維宣宣天子

謂公過徒我其昌以圃田簡迭徒迎徇眾除衍道

具駕毳避我駮馭其亞帥避我弓其射右二凡三

十五亞車趨二趨齒首車遺二續左驂馘二教

右駢馱

二音

其旂變

二 丑若反司馬相如  
大人賦休變奔走

其旂

詳未

旂二君子其來導我鳴鑿右三

八句凡二十  
六字重大六

啟車趨

二 丑亦反  
行聲也

敕策

馬趨

二 悉音

導

馱

蓋

遠原 隄馱

彼

大隄

陸彤矢

二 鐵

肉

肉

弓

二 音

其旂

二 洛音

君子其來右四

八句凡二十  
七字重文五

過來

健二音 寺

時

余卅三里余射鹿于茲六響寫

即止

出勿駸

憂

微霧

靈

或以時雨遠

原

溼

陰陽靈

靈

帛泊翠華邀

藻

天子之所右五

九句凡三十  
七字重文一

其



字重  
大二

即鹿又奔搏鹿又真填鮮籀時音異

朔

音拉今作脰博雅脰謂之脰

是申如天之高

喜朱亥尊石鼓考

據施宿引說文作婁

秀甄

員云乍

微二

木詳庸二詳即以

寫樂右九

八句凡三十字重文二

迂徒駿

取既射遊我馬

載止用賢孔廣康二教嗣

治田車既安日佳丙

申用各為章害昌不永寧


子臣

敬書鈴寶二

子臣

敬書

鑒藏寶璽寶笈三編石渠寶笈所藏



御書

高宗純皇帝御製古稀說 一冊

本幅紙本摺裝八幅皆縱五寸二分橫九寸七分


御筆楷書

御製古稀說 已載續編

子臣

敬書鈐寶二子臣敬書

鑒藏寶璽寶笈三編石渠寶笈所藏



御書

高宗純皇帝御製五福頌 一冊

本幅紙本 冊裝 八幅 皆縱四寸五分 橫八寸五分

御筆楷書


御製五福頌 有序 已載 續編

子臣

敬書 鈐寶 二子臣 敬書

鑒藏寶璽寶笈三編 石渠寶笈所藏





御書

高宗純皇帝御製記載一冊

本幅紙本摺裝八幅皆縱五寸三分橫六寸四分

御筆楷書

御製記載 記載之失實雖正史不能免而莫甚於  
稗野之刺謬彼以一己之私心設為莫須有之論  
所惡者雖伯夷之清而不為揚其善所喜者雖盜

跖之貪而謬為隱其惡所喜者雖盜跖之貪而曲  
為稱其善所惡者雖伯夷之清而刻以求其惡夫  
不揚而謬隱猶可也至於曲稱而刻求則是非顛  
倒莫可究詰使後人見之愚者固以為必然知者  
且不能不致疑矣知者致疑將謂正史亦未免如  
此害天下之公亂聖人之道非稗野之所馴至乎  
如聞見錄龍川志之紀范仲淹富弼論晁仲約之  
事是已夫范富二人豈非宋室之名臣哉設如二

書所云則是小人之尤而不可入君子之林矣何則仲約之罪或者當時介於可殺不可殺之間二人爭之所為上殿相爭下殿不失和氣者是也今乃曰不可教之手滑然此猶可也至曰吾輩首領皆不保是何言耶豈有忠臣義士預為己地而視人君若三尺之童之理哉使范富具此覓是與王安石呂惠卿之流何異其生平立朝出鎮致君澤民之蹟又何能如正史所傳班班可考若彼乎且


二書載仲約以知軍事遇盜不捕乃斂民金帛餌  
之過境事蹟詳畧互異罪狀則同至龍川志仲約  
姓姚而言行錄引之別作晁又志稱知高郵軍而  
聞見錄作光化郭公傳論即此可見今覈之萬姓  
統譜有晁仲約時與官並合是從晁較為有據第  
其職惟注正奉大夫則其事其人之果否有之固  
無確據也夫世之隨人是非而無定見者多矣觀  
此書必且謂范富果有其事仲淹為能先見弼為

能服善是教後世為臣者欺其君而盜世名犯少  
正卯之誅者有之矣。邵伯溫吾不惜而獨惜蘇轍  
尚稱具正知卓識者亦為此卑謬之論豈其未之  
思乎。抑或未曾質諸其兄以為何如乎。子臣

敬書鈴寶二子臣

敬書

鑒藏寶璽寶笈三編石渠寶笈所藏



御臨

高宗純皇帝御筆九成宮醴泉銘

一軸

本幅宋箋本縱九寸三分橫七寸

御筆臨

高宗純皇帝縮本醴泉銘

帖文不錄

並識

歐陽率更楷法於二王外獨闢門徑柯九思臨本  
能得其峭勁之氣於雍容揖讓間信神技也向曾  
手臨一過今復得宋箋再成縮本視前加小愛日



明牕殊快人意乾隆己巳仲冬御識

子臣

敬

書鈐寶二子臣

敬書

鑒藏寶璽寶笈三編石渠寶笈所藏

御筆味餘書室古今體詩 一冊

〔本幅〕紙本摺裝十六幅皆縱九寸六分橫一尺二寸八分

御筆楷書

味餘書室古今體詩 新柳<sub>士</sub>初著青陽明庶

風河邊御柳入春融葉凝嫩碧開烟裏絲棗輕

黃蘗水中穿藻遊魚弄清影遷喬好鳥擇芳叢

倚闌莫便輕攀折養取繁陰照遠空 詠眼鏡

傳聞駿黠錫嘉名列肆於今斲水晶能斂英華  
成四目頓令蒙翳豁雙睛雲中辨月光偏耀霧  
裏看花老更明猶恨良工無大巧不留心鏡啟  
心盲 元宵前一日

賜宴恭紀

巳癸

宴開慈惠紫微宮惇敘彛倫飲

賜同 一室肆筵傳粉荔三階舞字列花叢獻春綵勝

風初轉迎望燈輪月滿空歡洽載吟行葦什萬

年

景福慶綏豐

茗戰<sub>甲</sub>擬倩寒泉作主盟却從茗飲

出竒兵軍持沃處旗槍列雷英探來水火爭不  
覺指揮煩羽扇更看談笑置楸枰玉川大有韜  
鈴在一掃蒙山雲霧清紅梅<sub>紅</sub>不與冰姿爭  
皎潔還將白雪換丹霞漁郎錯認秦時洞仙客  
來看漢苑花春護絳紗舒冷艷香凝紫閣麗芳  
葩羅浮夢醒人何處疎影參差映月斜恭和

御製種槐元韻<sub>丙</sub>古槐閱百年風雨日以悴常依松

棟前根老深入地天心憐枯焦栽植成稠概數  
年漸比肩濃陰鋪毯翠茂對暢襟懷階下如昆  
季從茲相扶持預為長久計

聖謨千載超樹人期無愧 玉穀行人生願為豐年

玉不願生作荒年穀六瑚四璣陳明堂千倉萬  
箱起匍匐君不見典午國步艱朝政失綱目才  
華鍾庾家棟鄂聯椒族雅望司徒公雄聲江州  
督筆敷詞藻鳴球琅胸有經綸吞趙蜀元規翹

楚天廟林。雅恭慷慨圖匡復。一門兄弟競光輝。  
位高寵偪。心欲速。叛臣犯闕奔潯陽。埋玉空令  
知己哭。襄陽旌甲影。橫江三起。三疊羣屬。目石  
田不可為膏腴。藍田誰抱瑾。與瑜石碑生金白  
龍出。建元之末。長順初。吁嗟乎。百年樹人如樹  
木。兩珠兩瓊。嘆朽腹。投珠于淵。抵璧于谷。豐年  
玉不如荒年穀。擬白鳩拂舞詞。酹吹夷則兮  
鏗林鐘。揚萬舞兮翔飛龍。臨風一曲白鳩羽。開

元舊調翻新譜。催耕最喜時和煦。舊巢結構占  
晴雨。秉靈含純在桑在棗。九扈喑喑呼陽春。七  
子拂羽聲頻頻。咄彼鵬鴉兮相為奮搏。厲觜距  
兮甘鞿縛。扶搖蕩蕩兮天宇濶。虹雲霄兮逐鳴  
鶴。長松喬枝兮擇可棲。鳳皇來遊兮龍門桐葉  
何萋萋。恭和

御製恭謁

福陵元韻戊東極乾坤闢真人奮日邊萬靈朝丙夜

五氣拱中天

帝業今垂統。龍興昔卜年。艱難思締造。霑灑獻牢肩。

詠蘭亭楔事

集右軍楔帖字

巳亥 楔事初脩春暮天

蘭亭集會盛當年。山林有迹隨今古。水竹無風自管絃。樂敘所欣於錄述。靜觀斯遇信情遷。暢懷遊覽形為引。一曲清流感昔賢。水蘭玲瓏

峯誰借五丁斧。鑿通塞上山風雲。咸吐納日月共迴環。鍊石成微缺。求珠失大還。玲瓏擅奇勝。



志乘詎能刪

詠燈花。起草饒閒暇。華燈昏乍

停。生花真即幻。結蕊影成形。倏忽開微蒂。萌芽

發寸莛。不教風蕩漾。四照艷含青。賦得賣劍

買牛

得農字  
庚子

循吏稽西漢。人傳渤海龔。飯牛能

化俗。脫劍勸歸農。叱咤催耕隴。摩挲罷折衝。龍

泉非待價。桃野尚求蹤。服賈何須遠。傾裝亦易

供。豐城偏問喘。函谷已銷鋒。最喜鉤鉏具。誰誇

帶佩容。一時彈鋏者。扣角和歌春。詠桃符桃

符臘底煥門間冠帶崢嶸意赫如湯沐漢時曾  
食邑科名唐代早除書詞吟節物迎春麗心感  
炎涼改歲疎豈仗將軍能拒客等閒虛耗速驅  
諸詠蓮鬚<sub>丑</sub>芙蓉嬌面韻偏饒一簇花鬚擁  
玉茗日映紅衣看細細風搖綠蓋見飄飄驚絲  
欲下疑爭舞蝶翅將翔却共撩好待滿房齊結  
子鬢鬢頗有舊丰標詠鶴子松陰晝靜見將  
雛濯濯天生骨相臞雪羽乍豐堪學舞雲霄凝

盼每相呼仙家騏驥尋常有。滄海風濤習慣無。  
上苑秋高聽鳴和。欣看百子繪瑤圖。常山峪

驟雨後同十一兄十七弟聯句詩

壬寅

山近雲來

易兄林深霧起連濃陰。鋪幕歷余驟雨灑聯綿。

蒼翠峯如沐

弟清涼暑盡蠲。隔簾知土潤

兄照

座愛花鮮靜覺禽聲樂。余倍增人意便。急流喧

澗底弟霽景落窗前。已喜清馳道。兄還祈溉大

田烹茶敲雅句。余佳話例年年。弟

題頤和書

屋書堂開福地。頤養樂天和。山色寧嫌近禽聲。  
不厭多高談。揮鳳管。益友選鷺坡。晝永芸編展。  
知新互琢磨。夏山雜詠雲光石壁高。舍返照。  
明白雲山頂。吐英英。無心出岫隨風布。有象成。  
峯轉眼更樹影凝。帷迷遠近。嵐光披絮半陰晴。  
封中突起細縕變。橫截千崖似几平。花氣山。  
館清幽對夕曛。融融花氣靜中聞。好風送處香。  
逾烈薄靄籠時淡。更芬縹渺正宜留茗飲。細縕。

只欲近簾紋。試叅蒼苔林中諦。離合因緣鼻觀  
分。蝶隊蛺蝶翩翩作隊來。曲欄對舞意低徊。  
輕翻粉翅。雙留態亂。颺香鬚。耦不猜。柳幙羣飛  
如有約。花房紛至。豈無媒。香風幾陣吹難散。好  
是莊周夢乍回。茶烟隱約疎籬透。遠林茶烟  
起處。綠雲深淡。紫竹徑如絲。裊輕颺。花間惹蝶  
尋。几上碁聲剛到手。牕前塵影正論心。松明暢  
好探佳味。浥浥清香淡淡陰。雨牕對奕小牕

竟日雨潺潺。有客過從。為破閒。急響爭鳴蕉葉上。清聲却在石枰間。焚香不覺忘深夜。翦燭何當話故山。好是新涼宜坐隱。來朝重約叩花關。

渡句驪河

癸卯

花驄明發長途邈。霧氣蒼茫迷

遠嶠。行行問渡古遼河。溯源千里經大漠。洪波直入渤海東。浮梁斜抱孤城角。瀋陽帶礪繞西南。邁彼澗瀍護嵩洛。百里欣瞻舊沛豐。萬年流

慶留都郭

恭和

御製至盛京再疊癸亥七言長律十四韻元韻陪京  
四詣駕徂東。王氣翹瞻護鬱蔥。祇謁

橋山儀告備。載臨故里典攸同。美牆永慕繩

先志冊寶

親陳展敬躬。遠嶂蟠龍環野外。崇樓翔鳳麗居中。迴

旋帶水朝滄海。截奠金城插碧空。長仰土階尊

闕寢。詎誇雕甍飾珠櫳。十亭僉議朝無黨。一木高標

諫有功。丹水青邱彰本實。堯封禹甸息衝攻。熙

時應邁岐陽宅盛代雄超沛上宮父老謳歌懷  
澤久兒童歡抃樂時豐長存

勤政愛民志益勵敬

天法

祖衷武備聿脩輿地拓文思光被日星融

神畿賦就應卑固盛禮儀垂遠陋通

萬乘來臨瞻赫奕青精高翼五雲紅觀海歌長城

壓山山倒海海樓直倚天山外波濤蕩激古今



長氣象充枕在宥。大一望無際窮雙眸。千尋白  
浪推高邱。雲霧迷漫。島嶼隱魚龍。出沒鼉鼉浮。  
振衣絕頂形神眩。大觀生平所未見。怒號沸鼎  
聲奔雷。驚瀾捲地勢掣電。自從未鑿混沌初。此  
水亦自無時無。一勺之多漫六合。天輪地軸環  
相扶。碧城橫枕海天齊。飛蜃成樓雲作梯。沐日  
浴月幾萬古。搖山撼石憑危隄。誰云九州大。益  
覺五嶽低。我來澄海樓頭望。一點浮萍東海西。

二月初七日奉

命登泰山恭紀

甲辰

天地大觀尊五嶽岱宗作鎮東方

卓巍巍直達霄漢間萬峯亂吐青蓮削

天子東巡祀石壇奉

命登山偕棣萼入谷仰瞻雲霧漫謾松風下崖角  
紆盤石路磴百千環繞寒林陟華确天階徐升  
望

帝闡懸崖萬丈誰開拓仰觀天宇碧澄澄俯視雲容

寒漠漠霞標瀛海一杯盃日照東南萬城郭三  
門已入歷神霄展禮敬詣

元君閣生成大德贊東皇錫福黎民鼓素籥更露  
雙眸望九州汶泮如絲帶黃洛身遊紫闕天可  
捫日月星辰在掌握罡風灑氣蒼莽間下臨無  
地雲根落更撫秦皇無字碑土花模糊光照灼  
封禪當年事早湮尚存傑石森岬嶸金書玉檢  
不可求探策祈齡難臆度唐銘宋碣漫推詳真

境身親附。蹟確試尋歸路。下太空。漸識人間有  
邱壑。雲海歌用杜少陵元都壇歌韻。玉霄俯  
攬芙蓉峯。高下凹凸如蟠龍。封中雲氣騰幽谷。  
漸隱鱗鱗萬間屋。觸石萬古青帝壇。天風拂我  
征衣寒。翠巖平截瑤席展。滄溟倒挾銀濤翻。方  
壺有路誰能往。神仙歲月無消長。三千弱水隔  
塵寰。馬得冷然御風爽。渡河淮歌黃河之源  
來天上。浩浩漫漫無與抗。淮水中流東巨波。地

脈環維勢雄壯

聖人治水如治絲其緒不紊遵天時茲來堤堰

親相度安瀾順軌消支祁向晨喚渡河之畔河水活

活明星爛瞬息已渡淮之陰迎眸潤景宜清玩

睿謨底定四瀆平導河導淮洪波清

六巡澤國盡浹洽徧舍

恩德熙羣生靈風揚雲旗舞中流畫鷁翔長浦黎民

覲光觀如堵永樂昇平慶三五自瓜步放舟

渡江至金山岷峨直下水流東禹蹟遙尋疏導  
同吳楚周環分地脈河淮襟帶東當中遠通少  
海朝宗大近跨南徐得勢雄初渡喜逢波浪靜  
乘潮挂席趁長風登金山塔頂作歌神峯攀  
陟磴百重江雲已覺盪我胸更上浮屠出天表  
大觀迴出環禪中初驚翠髻凌虛峙旋訝長川  
窅萬里大千世界半平巖何似浮江無廢圮當  
前春色分南北綠柳新蕪遙岸側太虛蕩滌一

青銅波光恬靜如初拭渺無垠堦窮東南一邱  
一壑下士耽欣隨

龍舸來巡莅

恩波直與江波覃 焦山歌金山勢雄奇江心獨立  
盤地基焦山境幽秀有僧有竹相結構輕舟問  
渡揚帆過白波安帖春風和弭棹初參大士座  
如如終古棲巖阿昔有山人詔不起亦非耽此  
林壑美自然真景無新奇寂寂青山浩浩水

寄暢園名園正對九龍岡  
鶴步灘頭引徑長  
樹有百年多古黛  
花開一塢發清香  
流泉戛玉通芳沼  
脩竹成陰覆曲廊  
燕子來時春未老  
故巢憶否舊華堂  
寒山千尺雪造物靈秀鍾山水  
真境天然出寶理飛流千尺挂玉紳不盈不涸  
無窮已懸崖絕壁通仙源知自何時斧鑿痕寒  
山之寒本非雪是泉是雪相忘言登尖山觀  
海危峯頂上俯瀛洲渺渺南溟萬古流氣象滄



茫涵日月波濤吞吐自春秋雷轟天外寒潮捲  
島絕雲根宿雨收世界大千同芥子迴看一勺  
本浮漚 梅林歸鶴和靖風流物外尋梅妻鶴  
子喜同心闌珊三徑餘清馥寂歷九皋空好音  
水繞汀洲到春綠烟凝蘿薜閱年深詩魂還傍  
孤山骨人去庭荒月滿林 法鏡寺引客鳥聲  
幽先從初地求到門唯水繞尋徑與雲謀古塔  
碧空矗危峯紫黛浮大圓原普照一點悟心頭

法淨寺路轉蒼篔徑人穿蘿薜烟已探三竺  
境更進二禪天流水原無滯青山本自然不須  
恣遊覽小住亦前緣法喜寺窮劣徑全過方  
來最上乘香臺散花雨法座澈蓮燈有相原非  
有能仁本不能共生大歡喜極樂眼前登恭

和

御製遊龍井詩元韻瑞氣薄林麓祥光盤山邱泉雷  
忽疑雨竹春不知秋朝嵐籠淡蕩閒雲無去留

過溪到龍井。勝境傳清湫。高閣俯天半。碧峯最上頭。盪胸烟霧近。平眺星漢浮。山靈愜夙願。如獲。

思遇優景物。偶悅性。海大容細流。結構自幽迥。順時暫。

豫遊行惠普。遠邇民免供賦憂。飛來峯歌神峯飛。來自靈鷲混沌鍊。形鑿雲竇陰崖幽。聞響暗泉。峭壁倒懸挂奔溜。深林月黑叫清猿。千松日出。

明霞逗五丁神力誠壯哉移此亦闢造物構明  
湖西北得氣雄遂令勝境添靈秀誰云功德屬  
釋迦震旦卓錫衣相授衆生心即法王心天地  
山川皆在宥靈谷寺隱約招提殿閣重巍巍  
一塔冠千峯客來欲訪雲中路春老還餘石上  
松幾見寶函傳白馬枉談金鼎伏蒼龍土花剝  
盡長廊畫只有青山不改容詠簾鉤不為留  
香久下簾曉扉斜挂玉鈎纖修眉却與流波皺

殘月頻將細影黏。蛛網懸來偏半掠。蜂衙排處  
恰全現。思深無奈。仍垂幕。夢未安時響刮簷。

臘日憶西湖。用東坡韻。南屏路。西子湖。三春遊  
跡。思入無。孤山幽絕。波淡繞。梅疎鶴去誰招呼。  
花散欲。叩毗耶拏。歸來玉京。扶桑娛。歲晚偶吟  
坡老。作把筆。恍憶烟鬟。紆山川。秀處多精廬。一  
奩鏡。擘雙峯。孤遙知。雪霽斷橋路。寒水澹澹。舍  
荒蒲。官徭早息。休役夫。畫船簫鼓。停斜晡。神遊

託此空相憶林深蒼苔天然圖晶宮貝闕乘興  
餘蓬萊不遠心蘧蘧高吟還追軾與逋生花清  
夢差形摹塞山夕照歌用甲辰長江夕照歌  
韻已白雲幾縷山前橫初收雨氣長空晴金鳥  
天上騰赤翻千林灼鑠凡鳥驚水翻石走沙痕  
在大丹百鍊多精彩九州四大難遁形若木千  
年候不改喬松壑底吹長風萬綠碎漾珊瑚紅  
不覺涼露濕衣袂舉頭月出錘峯東詠羊晴

石六飛出皇神九牧分大禹璆玕固非珍  
璀璨充天府滇南異石來稽名未見古羊  
睛聚瞳矐珍重逾璜琥或疑樹精化或協  
鍾律譜初平未叱時聞雷乃奮土唾鬼入  
市中價增波斯鬻觸藩西嶽亡維羣隨牧  
豎柔毛碧血凝仙去留空圃磨礪澗底沙  
洗濯山中雨墳首照三星閃鏢光華吐天  
成謝雕鏤漫勞五丁斧披揀出草萊無晴  
自能覩怪石隨地產豈獨在齊魯包貢列

南琛奚用卞和剖寒芒掩映間目力搖絲縷堅  
比火齊珠細如翡翠羽用為龍虎脊可作翰墨  
輔鍾竒本地靈賤異欽

聖主歌詩萃諸賢挾策觀如堵骨卜識陰晴灸灼膏

堪溥暫用祈六花自有修羊補

詠涼棚丙午片

蓆平鋪四面充小年清蔭講堂中從繩舒卷陰  
晴判架木牽連尺度工滴滴長聽初歇兩疎疎  
不碍欲來風深秋莫怨同紈扇翠幕高澄爽豁



空團扇引團扇復團扇力怯秋風戰涼風一  
以吹猶障紅粧面棄捐豈獨感炎涼誰從憔悴  
憐姬姜乃知代謝時之常君子之交淡若忘嘗  
日提攜在君手有時內熱還思否黑甜鄉未

何有之鄉黑且甜恰於向晦美厭厭化為蝴蝶  
如塗墨幻作桃梅不和鹽色味聊當成癖嗜形  
神長此樂安恬沉冥漫說甘同夢幽獨真逾食  
蜜黏水中丞帳早向瀛池錫令名冰銜宛在

結佳盟。涵濡用佐管。滅子挹注。功逾墨客。卿學  
海能參。四輔職。臣心長養。一泫清圖。書總仗調  
和。加果是文如翻水成。形鹽。熬波。渤澥早風  
從。形肖於菟。宴饗供艾虎。含香曾彷彿。雪獅積  
素亦銷鎔。罇開北海。添珍品。思入南山。想舊蹤  
白黑。昔偕昌歆。備獻功服。猛好書庸。夜兩用  
陳簡齋韻。配霧罩南山。信不乖。入更點。滴到庭  
苔。纔聽階砌繁聲積。已覺衾裯涼氣來。蛩夢乍

驚寒韻濕荷衣欲製曉奩開論心剪燭西牕下  
清興消除茗一杯木蘭曉景風搖老樹鴉雲  
漏寒林月霜華散征蹄溪聲浸石骨清波飲我  
馬對影鑑毛髮非同麋鹿遊疑是神仙窟重  
登泰山作庚戌出震乘乾鎮大東配躋

上帝位尊崇古來封禪誰能述天下名山孰與同萬  
疊峯巒連紫府九關虎豹衛神宮最欣七載重  
登陟翹首雲霄舊徑通凌風直透白雲巔四

望青霄似鏡懸。迴摘星辰挾河漢。遙臨吳越。顧  
幽燕。南西北岳宗東岱七十二君承。一天虔祝  
聖皇無量壽。生寅立極總開先。松窗對雨。細雨冥

濛空外聽。老松伴我坐巖扃。音流芳粒飄閒砌。  
羽濕仙禽下小亭。石髮輕梳臨澗綠。苔衣低皺  
入簾青。林風披拂先秋意。漸覺雲容散遠汀。  
草色一雨坡陀潤。芳莎色更深。襯苔鶴屢啄綠。  
澗鹿時尋綠。綠鞵高人席。青袍下士心。墻隅鋪尚

淺不碍小蟲音 觀瀑急雨來萬山飛泉百道

湊。砢轟殷雷車驚波撼巖竇冰花撒寒林蒼莽  
魚龍鬪匠斤運五下銀河闢層岫石磴濺珠璣  
萬斛懸奔溜大觀本天成人豈能結構 菊枕

涼秋風雨落英多貯枕悠然夜氣和引臂清芬  
心欲醉滿頭餘馥笑應嗟白衣送酒醒詩夢青  
女憐芳惹睡魔耳畔遊仙餐素蕊東籬誰補舊  
巢窠 驟雨亥辛陰森雲氣壓山來風吼松林雨

陣催豎灑橫排音蕩激凝烟隱霧勢喧飀香添  
荷沼增新漲艷重花蹊茁舊苔煩暑頓消生爽  
致驪珠萬斛滿樓臺 恭和

御製永恬居元韻曲棧羊角通羣峯犬牙闢林密溪  
更深地勢隨升降文軒接陽坡徑窄若深巷

幾暇問景來幽泉鳴淙淙得句抒天倪健筆貫雲虹  
八旬衍無疆亥字漫數絳作息徵永恬不啻擊壤懃  
詠水仙凌波洛浦舊因緣縞袂相逢半是仙

素質自饒霜菊後。清姿長占雪梅光。寒宵寂寂  
瑤臺夢涼。月溶溶碧海烟香。色勾留春事早。蓮  
壺閬苑好踰躐。仲春上丁奉

命祭

文廟禮成敬紀壬秩祀仲春候報功仰

素王餽香排俎豆盛蹟煥宮牆百世乾坤並千秋  
日月光金絲放入室詩禮夙趨堂出震勲猷大  
上丁典制詳熙朝承沛澤垂教贊義皇 易水

行衝冠決皆咸陽去士為知己無長慮英風一  
激遺憾深滔滔白浪西流遽慷慨獨甘劍戟森  
白衣分袂無還心燕山雖朽樊期骨易水猶含  
擊筑音 頤和書室自植小松福地成材易小  
松漸覺脩時霑新雨露已閱十春秋蓋影閒階  
板濤聲曲檻流盤桓放手植茂密夏陰稠 煖  
硯沍寒初結硯池冰既濟調和耐久朋煥彩雅  
宜金匣貯生花不使玉壺凝微舒鼎篆溫泉潤



煖浥文瀾宿火蒸一氣含章同致用寸田融洽  
樂清澄喜至熱河頤和書室丑癸長夏真宜靜  
養和經年喜拂舊烟蘿林深益覺簷楹邃花好  
無須蜂蝶多風下天濤來遠壑鹿吻逸韻步前  
坡閒中習熟童時課圖史娛情自揣摩喜雪  
巖風捲起山中雲六合同色隱夕曛階前潤逼  
柱礎濕紙窗瑟瑟清夜聞几上芳梅香較烈知  
是天公欲飛雪開門滿庭積瓊瑤凹凸巧補咸

清絕今冬初見第一番表瑞嘉平貞起元從茲  
三白先春集東郊力作欣萼蕃小除夜潔祀  
寧云媚盆瓶中饋司歲時三正轉安樂一家祈  
柏篆庭階滿錫簫兒女怡天門陳好事俗諺見  
雍熙 恭和

御製微雨元韻

寅甲寅

林烟遠接靜春風淡拂簾櫳勢不


雄霰霰正符三月候霏微已有一犁功漾漾景  
繪亭臺外浙浙音流林木中曰肅可徵將透潤

籌農宵旰念無窮  
南苑西紅門晚眺  
乙卯百里平原

極目餘天清不着片雲遮  
雙鷗破水還留影  
庶草掀泥盡吐芽  
土潤易來三月雨  
春寒猶勒幾分花  
西山層疊真如畫  
高下峯巒接暮霞  
秋雨西風下木末  
涼雨中庭數濕雲  
罨松頂龍鱗潤  
盤紆靜觀元妙理  
動植如烟趨對景  
坐書室蕭然一塵無  
留別熱河頤和書室  
山居宛似故鄉親  
崖月松風自作鄰  
永夏頤和詩可紀  
高

秋挹爽徑堪循。牕前老樹陰。留席砌下寒蟬語。  
戀人明歲還期來。習靜閒花好鳥。一番新嘉慶。  
丁巳端午日。御筆鈐寶三萬有同春嘉慶御筆。  
傳心基命。

鑒藏寶璽寶笈三編石渠寶笈所藏嘉慶御筆之  
寶執兩用中繼德堂寶



御臨王羲之書蘭亭序 一軸

本幅紙本縱二尺五寸橫一尺二分

御筆行書臨王羲之蘭亭序帖

帖文不錄

寶晉齋法帖晉右軍王羲之書嘉慶戊午長至  
後九日御臨鈐寶四繼德堂嘉慶宸翰幾暇臨

池繼德堂寶

鑒藏寶璽寶笈三編石渠寶笈所藏



御筆勒保奏報德楞泰一路官兵生擒夔州傳教  
首逆龔文玉痛殲匪衆各情形詩以誌慰

一冊

〔本幅〕紙本摺裝六幅皆縱五寸五分橫一尺  
九分

御筆楷書

勒保奏報德楞泰一路官兵生擒夔州傳教首  
逆龔文玉痛殲匪衆各情形詩以誌慰 教匪  
脅良民蜂屯盈萬億三載疲官軍隨處皆掠食



川東屢次殲。相率奔湖北。二竹邪衆紛。鄖房氛。

四塞。

賊日李淑徐添德等在竹山竹谿鄖西房縣一帶屯聚其餘黨糾紛多有假託著名

之賊以張聲勢者現飭倭什布相機截剿不致竄入襄陽境內所幸兵績來追

及後隊賊妄稱傳教師弟兄作螟蜮蹂躪大禾

田。雄師直前逼鎗箭威並施肯令暫喘息下壓

瓦房灣首逆生擒得整旅入楚疆李淑徐添漫

潛匿。

德楞泰朱射斗於八石坪剿賊後即帶兵追剿卜三聘等旋察知此股賊名線字號

實係龔文玉為首在夔州一路為傳教總即封其弟龔奇位為帥卜三聘為先鋒並無龔建其

人亦非與卜三聘各自為股本有七八千人於  
八石坪被勦後收集二千餘人至竹谿之大木  
田欲與徐添德合股掠食德榜秦因令賽沖阿  
等由雙橋進發自由老木孔小道統出大木田  
山頂截其竄楚之路賊方食息被馮隊衝入鎔  
箭齊發賊遁瓦房灣官兵乘勢下壓斃賊更多  
生擒龔文玉並張尚國等數百名餘黨因賽沖  
阿夾擊旁竄筆架山盡落巖澗而死此次擒獲  
傳教逆首先後斬獲一千四百名餘匪殲戮  
殆盡稍慰籌筆之思仍飛飭德榜秦乘勝赴楚  
與倭什布夾剿李淑徐  
添德等以期全靖楚疆敬祈

上天恩消劫福中國揮淚告

几筵拈毫紀其實嘉慶己未季秋月之中瀚御筆鈐

寶二。嘉慶御筆之寶。惟精惟一。

鑒藏寶璽寶笈三編。石渠寶笈所藏嘉慶御筆之寶。毓慶宮寶。

御書宋人宮詞 一冊

本幅紙本摺裝八幅皆縱三寸九分橫七寸七分

御筆楷書

洛陽新進牡丹叢種在蓬萊第幾宮  
壓曉看花傳駕入露苞初拆御袍紅  
臨明一陣梨花雨夢隔珊瑚斗帳明  
後苑樂聲催引駕春衫初試覺身輕  
中宮賜雪玉成峯滴露堆

寒冷照空三十六牕明月夜姮娥渾在水晶  
宮 曉吹翩翩動翠旗爐烟千疊瑞雲飛何  
人奏對偏移刻御史天香隔繡衣 御案橫  
金殿幄紅扇開雲表露天容太常奏備三千  
曲樂府新調十二鐘 夜色樓臺月數層金  
猊烟穗繞觚梭重廊曲折連三殿密上真珠  
百寶燈 夕宴中秋醉廣寒閨風銀闕鎖三  
山美人半夜歌明月聲在玉壺天地間 鳳

吹鷺歌曉日明豐年觀稼出神京封人爭獻  
南山壽五色雲中御輦平金盆初曉洗纖

纖銀鴨香焦特地添出戶忽看春雪下六宮

齊卷水精簾三殿香濃曉色來祥鷺威鳳

待門開鏘金佩玉趨丹陛總是和羹作礪才

鳳池冰泮岸莎勻柳眼花心雪裏新都是

九重和暖地東風先報上林春乾文初見

泰階平日月常遵閣道行昨夜仰觀垂象正

拱辰星宿轉分明。紅玉纖纖捧暖笙。絳脣

呼吸引春鶯。霓裳曲罷君王笑。宣進前來與  
改名。萬國車書一太平。宮花無數管絃聲。

近臣入奏新祥瑞。昨夜黃河徹底清。飛烟

縹緲拂樓臺。纔捲珠簾雉扇開。春滿天顏兩

眉喜。玉闕新有捷書來。新生帝子浴漪蘭。


三日宮中列綺筵。嬪御稱觴呼萬歲。笙歌一

片夜掀天。今夜金吾不禁街燈。山火樹。准

宣牌長安一片星河裏丹鳳樓高衆樂諧  
嘉慶庚申仲春中幹御筆鈐寶二嘉慶

鑒藏寶璽寶笈三編石渠寶笈所藏





御筆立秋日遣悶用去歲詩韻 一冊

〔本幅紙本摺裝十二幅皆縱七寸九分橫九寸八分〕

御筆楷書

居憂已經歲  
倏又屆秋來  
籌賊慚無策  
臨民愧乏才呼

天唯自責慕

考益含哀邪  
逆竄林澤黔  
黎委草萊最  
憐三省衆苦

被五年災日月暑寒閱郵程午夜催重增勁旅  
往亟盼凱歌回消劫福良善

蒼旻迅掃埃

川楚陝甘賊氛漸散尤祝  
慈及秋掃蕩消劫福良實股禱切

亨庚申

立秋日遣悶用去歲詩韻御筆鈐寶二嘉慶御  
筆日監在茲

臣工恭和

倬彼

天章發都從

孝思來慚叨屏翰職難稱愷元才願

體臨民重稍

紆撫序哀祛邪方揆正播穀定燔菜早靖逋逃藪  
全除弧矢災兵威當後勁

廟算况頻催自比風雷奮應期雨雪回

隆恩賜

神佑亟為洗氛埃臣永璇恭和鈴印二臣永璇恭和

憑几西南顧

親承

末命來賞刑侔四序力策駕羣才遠驛書如捷

靈筵告必哀濟師增組練除賦減蒿萊奪攘潢池弄

痼瘵赤子災蕩平真

日望節候倏秋催佇屈

瞻

陵往唯期振旅回洗兵占澍降肅令滌氛埃臣永理

恭和鈴印二臣永理恭和金風初應律廿

雨及時來

宵旰勤修德

咨詢器使才羽干方格化霜露更思哀駟伐誰膏  
斧三驅好刈萊萑符銷伏莽水火救沉災  
僂指鳶旗報驩聲鷺鼓催

卷阿賡泮渙

章漢仰昭回極望秋山淨長空絕點埃  
臣永璘恭和  
暑今僂指過秋復  
和鈴印二臣永璘恭和

逐時來

念切蘇民瘼章

批辨將才如何蠶食輩久致雁鳴哀  
拉朽無滋蔓舒苗必翦萊  
蕩除期貴速補救不為災  
電掃攬槍靖風行鼓角催鴉飛  
知羽鍛谷冷待春回捷奏旋馳馬  
蹄翻驛路埃臣綿恩恭和鈐  
印二臣綿恩恭和徂暑

天心轉金黷應候來誅猶稽小醜力倍策羣才

賡載

居憂詠懷殷繼

志哀詰戎乘磔獸薙莠

軫汗菜剿堵撫收效川秦楚澹災氣殘蓮陸盡捷  
送羽飛催伯早靈臺偃軍先候雁回蕭晨

珠寢

告朗顥絕氛埃臣董誥恭和鈐印二臣董誥夏  
閏秋犂早憂先樂後來六時猶展



孝九伐正需才。目想征夫瘁。

心勤鞠子哀。不徒矜獮薶。何以易田萊。

神武惟治本。

天仁自弭災。泥鯨網在握。電馬捷頻催。皖杜雄師出。

敦瓜振旅回。鷹揚方厲疾。鷄野豁氛埃。臣朱

珪恭和。鈴印二臣珪。雨為驅婪去。風因送

爽來。灌叢消伏莽。鷲鳥奮雄才。魚過枯河泣。

蟬驚脫葉哀。林深將落實。山淨好焚萊。氣肅

秋行令

威申衆罔災生兵圍正合健吏檄方催捷奏蘭盆  
會

功成菊節回

者勲告

天上俯視廓織埃臣彭元瑞恭和鈐印二臣瑞敬書  
篤慕增秋感重經九夏來銷兵承

夙志專閫任良才翦彼萑苻蠹紓茲杼柚哀人欣還

井里壞盡闢蕪萊

佛力能除劫

天心定弭災載逢商律轉即聽捷書催

籌筆機無暇

臨軒日幾回祇慚清切地贊畫乏涓埃臣戴衢亨

恭和鈐印二臣衢亨敬事

秋屆抒

宸藻憂勤應

念來

保民恢武績

馭將策邊才星仰櫓槍掃鴻收澤渚哀撫綏分玉  
石次第復田萊被濯仍安衆

蠲除早恤災風霆金力肅

宵旰璽書催功佇歌鏡速文慙諭蜀回西成

醲化普賡拜凜涓埃臣周興岱恭和鈴印二臣興  
岱敬書 肅令迴璿瑄氛消爽氣來凱傳撰

甲士勲待勒銘才

壽筆

宸謨遠瞻

雲

聖慕哀載吟秋瑟。械一鼓翦蒿萊。大地齊收暑。偏  
隅悉混災。霜鉦威應捷。露布喜先催。卷緯商  
飈速。飄梧碧井回。雨師徵助順。徧洗淨纖埃。  
臣趙秉冲恭和鈴印二臣趙秉冲筆沾恩雨  
雨洗商秋出風馳羽捷來

至尊方眷顧諸將合呈才  
蟻聚穴堪掃魚游鼎可  
哀急歸歌杖杜獻壽頌臺萊

仁孝

天符契

祥和德勝災即看弓劍戢不待

璽書催萬井珠囊綴  
三霄斗柄回西南覘喜氣  
沆碭淨氛埃臣黃鉞恭和鈐印二臣鉞款臣

趙秉冲奉

勅敬書鈐印二臣趙秉冲敬事

鑒藏寶璽寶笈三編石渠寶笈所藏毓慶宮寶嘉

慶御筆

御書邵子懷古賦安分吟天聽吟 一冊

本幅金粟牋本三對幅皆縱二寸三分橫一  
寸三分

御筆楷書

至哉政之為大也能公天下必先行之於身  
然後教之於人教也者正之也自我而正之  
者也所以有嚴而治有為而成有言而信有  
令而行拔天下之疾苦遂天下之生靈其王



者之所為乎邵子懷古賦 安分身無辱知  
幾心自閒雖居人世却是出入間邵子安  
分吟 天聽寂無音蒼蒼何處尋非高亦非  
遠都只在人心邵子天聽吟

嘉慶庚申十月中澣御筆鈐寶二會心不遠德  
充符

鑒藏寶璽寶笈三編石渠寶笈所藏

御筆翁河紀績 一冊

〔本幅〕紙本摺裝十二幅皆縱六寸六分橫一尺四分

御筆楷書

總督費淳吳璣奏報邵工合龍河歸故道詩誌  
感慰。黃水性靡常。奪溜時遷易。江省億兆人  
河患誠難避。去秋決邵工。漫溢及田地。哀我昏  
墊民。南望每揮淚。拯救先賑饑。周恤務詳備。上年

八月據康基田奏報於七月十六日至二十三  
等日豐碭境內邵家壩一帶河口漫溢即將被  
水淹浸之江蘇蕭碭二縣安徽宿州靈璧泗州  
等處疊次加恩分別緩徵賑濟並令展賑至合  
龍之日為止茲因大工甫竣民食未充經年引  
加恩將五州縣再展賑一月用示軫念

河成放溜如奔驥料足工必堅挑淤故道遂仲  
冬月既望合龍告歲事

據費淳吳璣奏報壽堵  
邵壩口門十一月十六

日尚存十餘丈堵築至十七日尚深寬數丈畫  
夜趕緊施工於十八日子時合龍大河全歸故  
道所挑引河亦暢駛遣行十九日已達清口全  
河順軌工員弁兵老幼黎庶觀者歡聲雷動

叩首感

天恩捫心蒙

考庇從茲慶安瀾順軌無災異深愁作君難薄德愧

撫字挽河速洗兵陝蜀邪仍積

河工漫溢日厯  
焦思今蒙

吳春已慶安瀾而川陝餘氛尚期掃蕩  
敬顯天考垂佑歲功速奏也

嘉慶

庚申長至月御筆鈐寶二嘉慶御筆藝與道兼

臣工恭和

丕績奏平成

思艱勤圖易

警

予心益懼敬災曷敢避邵壩昨歲溢旁趨侵平地  
需沙行在中減汨復滲淚

聖人厪窮檐振撫戒先備龍口茲排歸刻日章飛  
驥濬由引渠深刷乃中泓遂懲吏憲典

申震疊迅集事斡旋在人功

大德民之庇治賊如治河剗滌殄邪異

承

佑同奠安。

志慰繼五字更欣大有書。寰宇萬億積。臣董誥恭  
和鈐印二臣董誥。

聖誠孚

天心思通無艱易。去秋黃河溢。隕岸險莫避。豐碣魚  
鼉驕。徐溜駭平地。蒼蒼宿泗黎。續拭億兆淚。  
經年紆

疇咨展賑患。有備彙臣勩。即工龍合捷。渴驥馮夷。

歸厥家放海導溝遂先甲長至辰

郊壇禱兩事西師暨南河惟

慈默相庇一旬河已翕此答彼豈異連翩川楚秦大

書露布字

皇言本

皇心救民誠彌積臣朱珪恭和鈴印二臣珪

帝功水土脩民樂田疇易得食鷄豚喜失水龍蛇

避河伯順歸家波臣甘讓地半夜大工成鍤

影揮燭淚焚香萬口祝破凍四氣備新堤  
亘霽虹引河快渴驥穴封壩脚擎泥肥麥根  
遂蕭碭宿泗靈

展賑勸農事保赤

君單心恬黃

天垂庇

孝慕善歸

親



助順祥壓異八水帖秦闕雙江奠巴宇鷺鴨蔡功全  
鯨鯢楚觀積臣彭元瑞恭和鈴印二臣元瑞  
宣房古有歌別髮策非易亟籌案堵居底  
用高原避昨秋潦騰蟻潰趨平地

皇仁軫飢溺感極翻涕淚饗殮幸有資芟楫夙儲  
備

曰谷保障才安駕騁良驥渠引條如馳隄成屹然  
遂萬姓額手觀

天心翕人事封章甫驛

聞辦香答

神庀迴瀾功則宏遵軌術無異

大君惠元元愷惻溢文字銷兵頌康哉九寓祥風  
積臣戴衢亨恭和鈐印二臣戴衢亨恭和

禹功在奠濬民事籌深易治可厯

盱宵楫菑勞弗避毋使田為汙勿與水爭地浪驅  
冰夷鼓珠還鮫人淚從茲犁鋤興何用畚鍤

備歸海赴壑蛇會淮並韁驥時當庚申冬快  
見

天心遂更寬加賑

恩早趣種麥事鯨波一夕平蟹舍萬間庇土功與  
戎功

吳緯眷匪異鳥獍淨殲除牛羊樂腓字

保民望歲心卜雪雲英積臣周興岱恭和鈐印二  
臣興岱恭和底績奏仲冬邵壩築非易衝

過九曲趨勢須三汎避纜掃挽待時吞礮聲  
動地何期三日間竟斷溜如淚先時

睿慮勞指畫周且備稟承大吏虔恬流駛同驥想  
見瀕河民耕鑿安井遂猶復

咨艱食展賑命當事微臣屬桑梓敬叩

皇仁庇

至誠孚

吳緯

百神效靈異鞏固翊平成散格

璿題字歲歲報安瀾薪芻免輸積臣趙秉冲恭和  
鈴印二臣秉冲邵壩漫黃流堵塞力匪易

川后冬效靈手驅蛟鯉避狂瀾掣而東潑岸聲  
撼地立看故道通勢欲破舟淚

聖人籌幾先大吏以時備三日快合龍萬派走渴

驥

至誠洵感


神災黎得生遂種麥及春明負耒趨農事雁戶  
飽餘糧鳧藻荷

高庇蕭碭宿泗靈雙岐尋獻異芟蘆委如麻不復  
署官字美哉洋洋乎河壩富陳積臣黃鉞恭  
和鈐印二臣鉞款臣趙秉冲奉

勅敬書鈐印二臣秉冲

鑒藏寶璽寶笈三編石渠寶笈所藏嘉慶御筆之

寶執兩用中



御書陸游夏日納涼詩一卷

本幅紙本縱二寸三分橫一尺五寸二分

御筆楷書

機裂齊紈如素月  
床敷蘄簟起微瀾  
行人遠不分眉目  
過鳥高猶響羽翰  
新長庭槐夾門綠  
無窮陂稻際天寬  
今年項裏楊梅熟  
火齊驪珠已滿盤  
入戶桐陰漸覆床  
乍敷笛簟北牕涼  
筇枝倚壁知身健  
衣焙殘香覺日長



雨霽斷雲時聚散  
風來纖草久低昂  
蝶衣粉濕猶飛懶  
小駐闌干就夕陽

宋陸游夏日納涼詩  
辛酉仲夏下澣御筆鈐寶  
二會心不遠德充符

鑿藏寶璽寶笈三編石渠寶笈所藏

御筆守成論 一冊

本幅紙本。摺裝八幅。皆縱三寸七分。橫七寸五分。

御筆楷書

守成論 我

皇考著創業守成難易說。申明義理。闡發精微。予小子何能復贅一辭於後乎。敬繹

聖言。謹述守成二字。續論其奧旨。垂示後人。益光

前訓於奕禩夫成者。

列聖所遺之成規也。守者世世子孫守而不易也。蓋創業之君繼前朝弊壞之餘開盛世興隆之業殫心竭慮陳紀立綱法良意美無不詳盡後世子孫當謹循法則誠求守成至理以祖宗之心為心以祖宗之政為政率由典常永綏寶祚咸有一德守之不變丕基於萬世可也。歷觀漢唐宋元明載之史冊皆中葉之主不思開創艱

難自作聰明妄更成法人君存心改革卽有貪  
功倖進之臣從而愆憑紛紜更易多設科條必  
至舊章全失新法無成家國板蕩可不戒哉我  
大清

聖

聖相承度越前古典章制度鉅細畢該敬守

成憲何敢稍易乎惟百有餘年間有一二庸碌官寮  
因循怠玩不遵舊制予宵旰勤求殫心脩復永

昭法守仰副

訓政授寶之深思於萬一守成大旨在於勤脩欲廢之章程莫為無益之新圖成法不變不壞屢更屢敝徒自貽戚耳況不守祖宗成憲先不以祖宗為是其心尚可問乎若存此念

天必降殃亡國之君皆由於不肯守成也守成二字所繫至重敬

天法

祖勤政愛民大本在是豈淺鮮哉嘉慶十六年辛未  
嘉平月御筆鈐寶二嘉慶

鑒藏寶璽寶笈三編石渠寶笈所藏嘉慶御筆之  
寶夙聞詩禮凜心傳

